

詞

送別

山石

隱逸

佛寺

樓臺

宮閣

園亭

經行

獸

禽

愁怨

服用

博戲

雜歌

文苑英華

三百四十一至三百五十一

文苑英華卷第三百四十一

歌行十一

送別

李白三首

杜甫三首

釋皎然一首

劉禹錫一首

白居易一首

李賀一首

韋應物二首

韓翃一首

盧綸一首

李頎三首

鳴皋歌送岑徵君

時梁園三尺雪  
在清冷池作

李白

若有人兮思鳴皋阻積雪兮心煩勞洪河凌兢不可以徑

度冰龍鱗兮難容舳邈神仙集作邈之峻極兮聞天籟之

嘈嘈霜崖縞皓以合沓兮若長風扇海湧滄溟之波濤玄

猿綠羆舐吐他甘下峯集作危咆柯振石駭膽慄魄羣

呼而相號峯崢嶸以路絕挂星辰於巖峩送君之歸兮動



鳴臯之新作交鼓吹兮彈絲觴清冷之池閣君不行兮何  
待若返顧之黃鶴掃梁園之羣英振大雅於東洛中征軒  
兮歷阻折尋幽居兮越嶽萼盤白石兮坐素月琴松風兮  
寂萬壑望不見兮心氛氲蘿冥冥兮霰紛紛水橫洞以下  
淥波小聲而集作上聞虎嘯谷而生風龍藏溪而吐雲寡  
集作鶴清唳飢鼯頰呻塊獨處此幽默兮啼集作空山而  
愁人鷄聚族以爭食鳳孤飛而無鄰蠓蚋朝龍魚目混珍  
嫫母衣錦西施負薪若使巢由桎梏於軒冕兮亦奚異乎  
夔龍蹶躄於風塵哭何苦而救楚笑何誇而却秦吾誠不  
能學二子沽名矯節以耀世兮固將棄天地而遺身白鷗  
兮飛來長與君兮相親

鳴臯歌奉餞從翁請集作歸五崖幽集作居 前人

昨憶鳴臯夢裏還手弄素月清潭間覺時枕席非碧山側

身西望阻秦關麒麟閣上春還早著書却憶伊陽好青松  
來風吹石道綠蘿飛花覆烟草我家仙翁變清真才雄草  
聖陵古人欲卧鳴臯絕世塵鳴臯微茫在何處五崖峽一作  
水橫樵路身披翠雲裘袖拂紫雲集作去去時應過嵩少  
間相思爲折三花樹

西岳雲臺歌送丹丘子 前人

西岳崢嶸何壯哉黃河如絲天際來黃河萬里觸山動盤  
渦谷集作轉秦地雷榮光休氣紛五綵千年一清聖人在  
巨靈咆哮擎兩山洪波噴流射集作東海三峯却立如

欲摧翠崖丹谷高掌開白帝金精運元氣石作蓮花雲作  
臺閣道窈冥人不到集作連窈冥 中有不死丹丘生明星

玉女備掃灑麻姑搔背指爪輕我皇手把天地戶丹丘談  
天與天語九重出入生光輝東海集作蓬萊復西歸玉漿儻



惠故人飲身騎第一龍上天飛集作騎二茅龍上天飛按初學記華山門列仙傳呼

送顧八分文學適洪吉州

杜甫

中郎石經後八分蓋憔悴顧侯運鑪錘筆力破餘地昔在  
開元中韓木擇蔡隣有同鼎爨玄宗妙其書是以數子至御札  
早流傳揄揚非造次三人並入直恩澤各不二顧於韓蔡  
內辨眼工小字分日侍諸王鈞深法更秘文學與我遊蕭  
疎外聲利追隨二十載浩蕩長安醉高歌卿相宅文翰飛  
省寺視我揚馬間白首不相棄驂駟入窮巷必脫黃金轡  
一論朋友難遲暮敢失墜古來事反覆相見橫涕泗嚮者  
玉珂人誰是青雲器才盡傷形骸集作體病渴汙官位故舊  
獨依然時危語集作語顛躓我甘多病老子負憂世志胡為  
困衣食顏色少稱遂遠作苦辛行順從衆多意舟楫無根

帶蛟鬣好為崇况兼水賊繁特戒風颺駛崩騰戎馬際往  
往殺長吏子干東諸侯勸勉防縱恣邦以民為本魚飢費  
香餌請哀創集作瘡瘡深告訴皇華使使臣精所擇進得知  
歷試惻隱誅求情固應賢愚異列集作烈士惡苟得俊傑思  
自致贈子猛虎行出郊載酸臯

侍諸王集作侍示

惜別行送向卿進奉端午御衣赴上都 前人

肅宗昔在靈武城指揮猛將收咸京向公泣血灑行殿佐  
佑卿相乾坤平逆胡冥冥隨煙燼卿家兄弟功名振麒麟  
圖集作闕畫鴻鴈行紫極出入黃金印尚書勲業超千古雄  
鎮荊州繼吾祖裁縫雲霧成御衣拜跪題封賀端午向卿  
將命寸心赤青山落日江潮白卿到朝廷說老翁飄集作漂  
零已是滄浪客

惜別行送劉僕射判官

前人



聞道南行市駿馬不限正數軍中須襄陽幕府天下異主  
將儉省憂艱虞祗收壯健勝鐵甲豈因格鬪求龍駒而今  
西北自反胡騏驎蕩盡一疋無龍媒真種在帝都子孫未  
落東西集作南隅向非戎事備征伐君肯辛苦越江湖江湖  
凡馬多顛頽衣冠往往乘蹇驢梁公富貴於身踈號令明  
白人安居俸錢時散士子盡府庫不為驕豪虛以茲報主  
寸心赤氣却西戎迴北狄網羅羣馬籍集作馬籍馬多氣集作  
在驅除出金帛劉侯奉使光推擇滔滔才略滄溟窄杜陵  
老翁秋繫船扶病相識長沙驛強梳白髮提胡蘆手兼菊  
花路傍摘九州兵革浩茫茫三歎聚散臨重陽當杯對客  
忍涕淚集有君字不覺老夫神內傷

送顧處士

吳興丘司議之  
女婿即況也

釋皎然

吳門顧子予早聞風貌真古誰似君人中黃憲與顏子物

表孤高將片雲性背時人高且逸平生好古無儔疋醉書  
在篋稱絕倫神畫開厨怕飛出謝氏檀郎亦可儔道情還  
似我家流安貧用晦讀書坐不見將名干五侯知君別業  
長洲外欲行去聲秋田脩吠滄門前便取殼鯨乘腰上還將轆  
轤佩禪子有情非世情御苑貢餘聊贈行滿道喧喧遇君  
別爭窺玉潤與冰清

送僧仲副東遊兼寄呈靈澈上人

劉禹錫

釋子道成神氣閑住持曾上清涼山晴空

一作暗室

禮拜見真

像金毛玉鬚卿雲間西遊長安隸僧籍本寺門前曲江碧

松間白日照寶書竹下香泉洒瑤席前時學得經論成奔馳

像馬開禪局高筵談柄一麾拂講下門

集作得

徒如醉醒舊

聞南方多禪

一作長

老次第來入荆門道荆州本自重諸

集作彌

天南朝塔廟猶依然宴坐東陽枯樹下經行居止

集作此

故



臺邊忽憶遺民社中客為我衡陽駐飛錫講罷同尋相鶴  
經閑來共蠟登山屐一旦揚眉望沃洲自言王謝許集作與

送張山人歸嵩陽

白居易

黃昏慘慘天微雪集作修行坊西鼓聲絕張生馬瘦衣且  
單夜叩柴門與我別愧君冒寒來別我為君沽酒張燈火酒  
酣火煖與君言君何集作何事入關又出關答云前年偶下山  
四十餘月客長安長安古來名利地空手無金行路難朝  
遊九城陌肥馬香集作輕車欺殺客暮宿五侯門殘茶冷酒  
愁殺人春明門外高城一作高處直下便是嵩山路幸有雲  
泉客此身明日辭君且歸去

送韋仁實兄弟入關

李賀

送客飲別酒千觴無赭顏何物最傷心馬首鳴金鏜野色

浩無主秋明空曠間坐來壯膽破新月不能看行槐引西

道青梢長攢攢

一作青松

君子送秦水小人巢洛煙韋郎

好兄弟壘玉生文翰我在山上舍一畝蒿磽田夜雨叫租

吏春聲聞暗闕誰解念勞苦蒼突唯南山

送褚祕

集作校

書歸舊山歌

韋應物

握珠不返泉匣玉不歸山明時重士亦如此忽恠褚生何

得還方稱羽獵賦昨

集作未

拜蘭臺職漢篋亡書已暗傳嵩

丘遺簡還能識朝朝待詔青瑣闈中有萬年之樹蓬萊池

世人仰望棲此地生獨徘徊意何為故山可往薇可采一

自人間星歲改藏書壁上

集作中

苔半侵洗藥泉中月還在

春風飲餞灞陵原莫馱歸來朝市喧夫君不見東方朔避

世從容金馬門

送孫徵赴雲中

前人



黃驄少年無雙戟目視傍人皆辟易百戰曾夸隴上兒一  
身復作雲中客寒風動地氣蒼茫橫吹先悲出塞長馱石  
軍中傳夜火斧冰河畔汲朝漿前鋒直指陰山外虜騎紛  
紛翦應碎兇疑奴破盡看君歸金印酬功如斗大

送客之江寧

韓翃

春流送客不應賒南過徐州見柳花朱雀橋邊看淮水烏  
衣巷裏問王家千閭萬井無多事閉戶開門向山翠楚雲  
朝下石頭城江鷺雙飛瓦棺寺吳士風流甚可親相逢嘉  
賞日應新從來此地夸羊酪自有尊羹定却人

此詩二百七十二卷重出前已削去

送張郎中還蜀歌

盧綸

秦家御史漢家郎親專兩印征殊方功成走馬朝天子伏  
檻論邊若流水曉離仙署趨紫微夜接高儒讀青史瀘南

五將望君還願以天書示百蠻曲棧重江初過雨前旌後  
騎不同山迎車拜舞多耆老舊卒新營遍青草塞口雲生  
火候遲煙中鶴唳軍行早黃花川下水交橫遠鴈孤霞蜀  
國晴印集作竹笋長椒瘴起荔枝花發杜鵑鳴迴首岷峨  
半天黑傳觴接膝何由得空令豪士仰威名無復貧交恃  
顏色垂楊不動雨紛紛錦帳胡瓶爭送君須臾醉起簫笳  
發空見紅旌入白雲

送陳章甫

李頎

四月南風大麥黃棗花未落桐陰長青山朝別暮還見嘶  
馬出門思舊鄉陳侯立身何坦蕩虬鬚虎眉仍大顙腹中  
貯書一萬卷不肯低頭在草莽東門沽酒飲我曹心輕萬  
事皆鴻毛醉卧不知白日暮有時空望孤雲高長河浪頭  
連天黑一作津口停舟渡不得鄭國一作遊人未及家洛

陽行子空歎息聞道故林相識多罷官昨日今如何

送康生入京進樂府詩

前人

識子十年何不遇只愛觀遊兩京路朝吟左氏嬌女篇夜  
誦相如美人賦長安春物舊相宜小苑蒲桃花滿枝柳色  
偏濃九華殿鶯聲醉殺五陵兒曳裾此日從何所中貴由  
來盡相許白夾春衣仙史贈烏皮隱机臺郎與新詩樂府  
唱堪愁御妓應傳鳩鵲樓西上雖因長公主終須一見曲  
陽侯

送山陰姚丞携妓之任兼寄蘇少府 前人

東風香草路南客心容與白晷吳王孫青蛾柳家女都門  
數騎出河口片帆舉夜簟眠橘洲春衫傍楓嶼山陰政簡  
甚從容到罷椎求物外蹤落日花邊剡溪水晴煙竹裏會  
稽峯才子風流蘇伯玉同官曉暮應相逐加餐共愛鱸魚  
肥醒酒仍憐甘蔗熟知君練思本清新季子如今得爲鄰  
他日知尋始寧墅題詩早晚寄西人

文苑英華卷第三百四十一

登仕郎胡 柯 鄉貢進士彭 叔夏 校正



文苑英華卷第三百四十二

歌行十二

山

虎牙行一首

閩山歌一首

閩水歌一首

嵩山天門歌一首

高山引一首

小山歌一首

驪山行一首

苔蘚山歌一首

望山歌一首

太山路一首

陰山道一首

蓮峯歌一首

石

石笋行一首

石犀行一首

青石一首

隱逸

逸人歌一首

丁隱君歌一首

紫溪翁歌一首

佛寺

道林寺三首

岳麓寺一首

山

虎牙行

杜甫

北風歛吸吹南國天地慘慘無顏色洞庭揚波江漢迴虎  
牙銅柱皆傾側巫峽陰岑朔漠氣峯巒窈窕溪谷黑杜鵑  
不來援狘寒集作山鬼幽憂雪霜逼楚老長嗟憶炎瘴三  
尺角弓兩斛力壁立古集作城橫塞起金錯旌竿蒲雲直  
漁陽突騎獵青丘犬戎鑠甲圍丹極八荒十年防盜賊征  
戍誅求寡妻哭遠客中宵淚霑臆

閬山歌

前人

閬州

一作

城東靈

集作

山白閬州城北玉臺

一作

碧松浮欲

盡不盡雲江動將崩已

集作

崩石那知根

集作

無鬼神會已

覺氣與嵩華敵中原格鬪且未歸應結

一作

茅齋看

一作

青壁

此詩一百五十九卷重出前已削去注異同為一作

閬水歌

前人

嘉陵江色何所似石黛碧玉相因依正憐日破浪花出更  
復春從沙際歸巴童盪集作漿歌側過水鷄銜魚來去飛  
閬中勝事可勝斷閬州城南天下稀

嵩山天門歌

宋之問

登天門兮坐盤石之磷砢前縱縱兮未半下漠漠兮無垠  
紛窈窕兮巖倚披以鵬翅洞膠葛兮峯峻層以龍鱗松移  
岫轉左變而右易風生雲起出鬼而入神吾亦不知其靈  
恠如此願遊杳冥兮見羽人重白天門兮穹崇迴合兮攢  
藂松萬接兮柱日石千尋兮倚空晚陰兮足風一作夕陽兮



施紅試一望兮魂奪况衆妙之無窮

高山引

前人

攀雲窈窕兮上躋懸峯長路浩浩兮此去何從水一曲兮  
腸一曲山一重兮愁一重松檟邈已遠友于何日逢况滿  
室兮童稚攢衆慮一作愁於心胷天高難訴兮遠負明德却望  
函京兮揮涕龍鍾

小山歌

萬楚

人說淮南有小山淮王昔日此登仙城中鷄犬皆飛去山  
上壇場今宛然世人貴身不貴壽共笑華陽洞天口不知  
金石變長年謾在人間戀携手君能舉帆至淮南家住肝  
胎余先諳桐栢亂流平入海茱萸一曲涕成潭憶記來時  
魂悄悄想見仙山衆峯小今日長歌思不堪君行爲報三  
春鳥

驪山行

韋應物

君不見開元至化垂衣裳馭坐明堂朝萬方訪道靈山降

聖祖沐浴華池集百祥千乘萬騎被原野雲煙草木生一作相

輝光禁仗圍山曉霜勁集作切離宮積翠夜漏長玉階寂歷朝

無事碧樹歲蕤寒更芳三清小鳥傳仙語九華真人奉瓊

漿下元昧爽漏一作編恒秩登山朝禮玄元室翠華稍隱天半

雲丹閣先集作光明海中日羽旗旄節憩瑤臺清絲妙管從

空來萬井九衢皆仰望綵雲白鶴方徘徊憑高覽古集作一

嗟寰寓造化茫茫思悠哉秦川八水長繚繞漢氏五陵空

崔嵬乃言聖祖授集作奉丹經以年爲日億萬齡蒼生咸壽

陰陽忝高謝前王出塵外英豪共理天下晏戎夷讐伏兵

無戰時豐薄賦集作賦未告勞海闊珍竒亦來獻干戈一起

文物乖懽娛已極人事變聖皇弓劍墜幽泉古木蒼山閉

宮殿纘承鴻業聖明君威震六合驅妖氛太平遊幸今可待湯泉嵐嶺還氛氲

苔蘚山歌

顧況

野人夜夢江南山江南山深松桂閑野人覺後長歎息帖蘚黏苔作山色閉門無事任盈虛終日敵眠觀四如一如白雲飛出壁二如飛雨巖前滴三如騰虎欲哮吼四如嬾龍遭霹靂嶮峭嵌空潭洞寒小兒兩手扶欄干

同裴觀察東湖望山歌

前人

浴鮮積翠栖靈異石洞花宮橫半空夜光潭上明星啓風雨壇邊樹如洗水淹徐孺宅恒乾繩墜洪崖井無底主人載酒東一作春湖陰遙望西山三四岑

太行路

白居易

太行之路能摧車若比人心是坦途巫峽之水能覆舟若

比人心是安流人心好惡苦不常好生毛羽惡成瘡與君

結髮未五載豈期集作忽從牛女為參商古稱色衰相棄皆當

時美人猶怨悔何況如今鸞鏡中妾顏未改君心改為君

薰衣裳君聞蘭麝不馨香為君事容飾君看珠集作金翠無

顏色行路難難重陳人生莫作婦人身百年苦樂由他人

行路難難於山險於水不獨人家集作間夫與妻近代君臣

亦如此君不見左納言右納史朝承恩暮賜死行路難不

在水不在山只在人情反覆間

陰山道

前人

陰山道陰山道紇邏躬肥水泉好每至戎人進集作送馬時

道傍千里無纖草草盡泉枯馬病羸飛龍但印骨與皮五

十疋縑易一疋縑去馬來無了日養無所用土集作去非非宜

每歲死傷十六七縑絲不足女工苦踈織短截充足數竊



絲蛛網三丈餘迴紇

集作鵲

訴稱無用處咸安公主號可彰

遠為可汗頌奏論元和二年下新勅內出金帛酬馬直仍

詔江淮馬價縑從此不令踈短織合羅將軍稱集作呼萬歲

捧授金銀與縑絲誰知胡集作點虜啓貪心明年馬來多一

倍縑漸好馬漸多陰山虜柰爾何

蓮峯歌

賈島

錦礫潺湲玉溪水曉來微雨藤花紫冉冉山鷄紅尾長一

聲樵斧驚飛起松刺梳空石差一作室齒煙香一作空風軟人參

藥陽崖一夢伴雲根仙菌靈芝夢魂裏

石

石笋行

杜甫

君不見益州城西門陌上石笋雙高蹲古老集作來相傳是

海眼苔蘚蝕盡波濤痕雨多往往有集作得悅瑟瑟此事悅惚

難明論恐是昔時卿相墓集作冢立石為表今仍存惜哉俗

態好蒙蔽亦如小臣媚至尊政化錯忤失大體坐看傾危

受厚恩嗟爾石笋檀虛名後來未識猶駭奔安得壯士擲

天外使人不疑見本根

石犀行

前人

君不見秦時蜀太守刻石立作三犀牛自古雖有厭勝法

天生江水湏集作向東流蜀人矜誇一千載泛濫集作溢不近

張儀樓今年灌口集作注損戶口此事或恐為神羞終藉隄

防出衆力高擁木石當清秋先王作法皆正道詭恠何得

衆人謀嗟爾三犀不經濟缺訛只與長川逝但見元氣相

集作恒調和自免洪濤恣凋瘵安得作者集作壯士提天網再平

水土犀蒼集作奔茫

青石

白居易

青石出自藍田山兼車運載來長安工人磨琢欲何用石  
不能言我代言不願作人家墓前神道碣墳土未乾名已  
滅不願作官家道傍德政碑不鐫虛詞實錄鐫願為顏氏  
段氏碑雕鏤太尉與太師刻用此集作兩片堅貞質狀彼二  
人忠烈姿義心若石屹不轉死節若石確不移如觀奮擊  
朱泚日似見叱呵希烈時各於其上題名字集作一置高  
山一沉水陵谷雖遷碣猶碑集作獨存骨化為塵名不死長使  
不忠不烈臣觀碑改節慕為人慕為人勸事一作君

隱逸

逸人歌贈李山人

張楚金

上有堯兮下有由眠嵩陽兮漱潁流其貌古其心幽浩歌  
一曲兮林壑秋道險可驚兮人莫用樂天知命兮守巖洞  
時擊磬兮嗟鳴鳳吾欲知往古之不可追目悠悠於兀夢

丁隱君歌

陸龜蒙

華陽道士南遊歸手中半卷青蘿衣集作皮自言逋客持贈  
我乃是錢塘丁翰之連江集作天大抵多奇岫獨話君家最  
孤秀盤燒天竺春笋肥琴倚洞庭秋石瘦草堂暗引龍泓  
溜老樹根株若蹲獸霜濃果熟未容收往往兒童雜猿狖  
去歲猖狂有黃冠官軍駭散無人鬪滿城遼逆翰之閑紙  
把枯松塞圭竇前度集作後非相逢正集作已非賣文一錢不直虛  
云云今來利作樵客可以拋身麋鹿羣丁隱君丁隱君  
昂集作頭且莫變名氏即日便尋丁隱君

紫溪翁歌

前人

一丘之木其棲深也屋吾欲不辱一溪之石其居平也席  
吾勞以息一竇之泉其音清也絃吾方在懸得乎人得乎  
天吾不知所以然而然先生側弁而賡之曰采江之魚兮



朝船有鱸采江之蔬兮暮筐有蒲左圖且書右琴與壺壽  
歟天歟貴歟賤歟歌闕而去

佛寺

岳麓山道林二寺行

杜甫

玉泉之南麓山殊道林林壑爭盤紆寺門高開洞庭野殿  
脚挿入赤沙湖五月寒風冷佛骨六時天樂朝香鑪地靈  
步步雪山草僧寶人人滄海珠塔劫宮墻壯麗敵石集作香  
厨松道清涼俱蓮池集作花交響共命鳥金榜雙迴三足鳥  
方丈涉海費時節玄圃尋河知有無暮年且喜經行近春  
日兼蒙暄暖扶飄然班白將集作身奚適傍此煙霞茆可誅  
桃源人家易制度橘洲田土仍膏腴潭府邑中甚淳古太  
守庭內不喧呼昔遭衰世皆晦跡今幸樂國養微軀依止  
老宿亦未晚富貴功名焉足圖久為謝集作野客尋幽慣細

學何顛免興孫一重一掩吾肺腑仙鳥仙花集作鳥山花吾友  
于宋公放逐曾題壁物色分留待集作與老夫

道林寺

韋蟾

石門迴接蒼梧野愁色陰深二妃寡廣殿崔嵬萬壑間長  
廊詰曲千巖下靜聽林飛念佛鳥細看壁畫馱經馬暖日  
斜明蟬竦梁濕煙散幕鴛鴦瓦北方部落檀香塑西國文  
書貝葉寫懷欄迸竹醉好題窄路垂藤困堪把沈裴筆刀  
鬪雄壯宋杜詞源兩風雅他方居士來施齋彼岸上人投  
結夏悲我未離擾擾徒勸我休學悠悠者何時得與劉遺  
民同入東林遠公社

同前

崔珏

臨湘之濱麓之隅西有松寺東岸無松風十里擺不斷竹  
泉瀉入于僧厨宏梁大棟何足貴山寺難有山泉俱四時

唯夏不敢入燭龍安敢停斯須遠公池上種何物碧羅扇  
底紅鱗魚香閣朝鳴大法鼓天宮夜轉三乘書野花市井  
栽不着山鷄飲啄聲相呼金鑑僧迴步步影石盆水濺聯  
聯珠北臨高處日正午舉手欲摸黃金烏遙江大船小於  
葉遠村雜樹齊如蔬潭州城郭在何處東邊一片青模糊  
今來古往人滿地勞生未了歸丘墟長卿之門久寂寞五  
言七字誇規模我吟杜詩清入骨灌頂何必須醍醐白日  
不照耒陽縣黃天厄死飢寒軀明珠大貝採欲盡蚌蛤空  
滿赤沙湖今我題詩亦無味懷賢覽古成長吁不如興罷  
過江去已有好月明歸途

嶽麓寺

沈傳師

承明年老輒自論乞得湘守東南奔爲聞楚國富山水青  
嶂邈迤僧家園含香珥筆皆眷舊謙挹自忘臺省尊不令

執簡候亭館直許携手遊山樊忽驚列岫晚來逼朔雪洗  
盡煙嵐昏碧波迴喚三山轉丹檻繚郭千艘屯華鑣蹀躞  
徇砂步大旆絲錯輝松門樛枝競驚龍蛇勢折幹不滅風  
囊痕相重古殿倚巖腹別引新徑縈雲根目傷平楚虞帝  
魂情多思遠聊開罇危絃細管逐歌颺畫鼓繡靴隨節翻  
鏘金七言陵老杜入木八法蟠高軒嗟余潦倒久不利忍  
復感激論元元

文苑英華卷第三百四十二

登仕郎胡

柯

鄉貢進士彭

叔夏

校正



文苑英華卷第三百四十三

歌行十三

樓臺宮閣

園亭附

樓四首

臺三首

宮二首

閣二首

園二首

亭五首

經行

封丘作一首

發閬中歌一首

金陵歌一首

梁園歌一首

襄陽歌一首

長安歌一首

鄴城引一首

鴻門行一首

顧渚行一首

武源行一首

過荆門歌一首

陪侍郎叔華登樓歌

集作宣州謝朓樓  
錢別校書叔雲

李白

棄我去者昨日之日不復留亂我心者今日之日足繁

集作

煥憂長風萬里送秋鴈對此可以酬集作高樓蔡氏集作蓬萊

文章建安骨中間小謝又清發俱懷逸興壯思飛欲上青

雲集作天攬明月抽刀斷水水更流舉杯銷愁愁復集作更愁男

兒集作天在世不稱意明朝舉棹還滄洲集作散髮弄扁舟

越王樓歌 杜甫

綿州州府何磊落顯慶年中越王作孤城西北起高樓碧

瓦朱甍照城郭樓下長江百丈清山頭落日半輪明君王

舊跡今人賞轉見千秋萬古情

江樓曲 李賀

樓前流水江陵道鱷魚風起芙蓉老曉釵催一作鬢語南

風抽帆歸來一日功鼉吟浦口飛梅一作雨竿頭酒旗換青

紵蕭騷浪白雲差池一作黃粉油集作衫寄郎主新槽酒一作

聲苦一作無力南湖一項菱花白眼前便有千里愁小玉

開屏見山色

上官昭容書樓歌 貞元十四年友人崔仁亮於東都買得研神記一卷有昭容列名書縫處因用感歎而作是歌

呂溫

漢家婕妤唐昭容工詩能賦千載同自言才藝是天真不

服丈夫勝婦人歌闌舞罷閑無事縱恣優游一作弄文字

玉樓寶架中天居絨綺秘異萬卷餘水精編帙綠鈿軸雲

母擣紙黃金書風飄一作花露清旭時綺窓高挂紅綃帷

香囊盛烟繡結絡翠羽拂案碧集作琉璃吟披嘯卷紛無

已皎皎淵機破一作研理詞縈絲翰紫鸞迴思耿寥天碧

雲起碧雲起心悠哉境深轉苦坐自催金梯珠一作履聲

一斷瑤堦日夜生青苔青苔闕九關曾比群玉山神仙杳何許

遺逸蒲人間君不見洛陽南市賣書肆有人買得研神記

紙上香多蠹不成昭容題處猶分明令人惆悵難為情



春臺引 寒食集畢 錄事宅作

陳子昂

感陽春兮生碧草之油油懷宇宙以傷遠登高臺而寫憂遲  
美人兮不見恐青歲之遂集作還適從畢公以酣飲寄林塘  
而一留采芳蓀於北渚憶桂樹於南洲何雲木之英麗而  
池館之崇幽星臺秀士月旦諸子嘉一作喜青鳥之辰迎火  
龍之始挾寶書與瑤瑟芳蕙華而蘭靡乃掩白蘋藉綠芷  
酒既醉樂未已擊青鍾歌淶水怨青春之萎絕贈瑤華之  
旖旎願一見而道集作導意結衆芳之綢繆曷余情之蕩漾  
集作養獨青雲以增愁悵三山之飛鶴憶海上之白鷗且日  
群仙去兮青春頽歲華歇兮黃鳥哀富貴榮樂幾時兮朱  
宮碧堂生青苔白雲兮歸來

姑蘇臺

釋皎然

古臺不見秋草淒却憶吳王全盛時千年月照秋草上吳

王在時幾迴望至今月出君不還世人空對姑蘇山山中  
精靈安可覩轍跡人蹤麋鹿聚嬋娟西子傾國容化作寒  
陵一堆土

司天臺

白居易

司天臺仰觀俯察天人際羲和死來職事廢官不求賢空  
取藝昔聞西漢元成間下陵上替集作上謫見天北辰微  
暗少光色四星煌煌如火赤耀芒動角射三台半見集作上  
半滅中台坼是時非無太史官眼見心知不敢言明朝趨  
入明光殿唯奏慶雲壽星見天文時變兩如斯九重天子  
不得知不得知安用臺高百尺爲

連昌宮詞

元稹

連昌宮中滿宮竹歲久無人森似束又有墻頭千葉桃風  
動落花紅蕹蕹宮邊老翁爲余泣小年選進一作進食因曾入



上皇正在望仙樓太真同凭欄干立樓上樓前盡珠翠炫  
轉熒煌照天地歸來如夢復如癡何暇備言宮裏事初過  
寒食一百六店舍無煙宮樹綠夜半月高絃索鳴賀老琵琶  
定場屋力士傳呼覓念奴念奴潜伴諸郎宿須臾覓得  
又連催特勅街中許燃燭春嬌蒲眼睡一作紅綃掠削雲  
鬢旋裝束飛上九天歌一聲二十五郎吹管逐逡巡大遍  
梁州徹色色龜茲轟綠續李暮摩笛傍宮墻偷得新翻數  
般曲平明大駕發行宮萬人鼓舞在途集作中百官隊仗  
避岐薛楊氏諸姨車闔風明年十月東都破御路獨一作  
存祿山過驅令供頓不敢藏萬姓無言一作淚潜墜兩京  
定後六七年却尋家舍行宮前莊園燒盡有枯井行宮門  
閉文粹樹宛然爾後相傳六皇帝不到離宮門久閉往來  
年少說長安玄武樓成花萼廢去年勅使因斫竹隅值門

開暫相逐荆榛櫛比塞池塘狐兔驕癡綠樹木舞榭歌傾  
基尚在集作文窻窈窕紗猶綠塵埋粉壁舊花鈿鳥啄風  
箏碎珠玉上皇偏愛臨砌花依然御榻臨階斜虵出鷲巢  
盤鬪棋茵生香案正當衙寢殿相連端正樓太真梳洗樓  
上頭晨光未出簾影黑至今反挂珊瑚鈎指似集作旁人  
因慟哭却出宮門淚相續自從此後還閉門夜夜狐狸上  
門屋我聞此語心骨悲太平誰致亂者誰翁言野父何分  
別眼見耳聞爲君說姚崇宋璟作相公勸諫上皇言語切  
燮理陰陽永忝豐調和中外無兵戎長官清強集作太守  
好揀選皆言由相公開元欲集作末姚宋死朝廷漸漸由  
妃子祿山宮裏養爲集作兒號國門前關如市弄權宰相  
不記名憶得依稀集作楊與李廟謀集作顛倒四海搖  
五十年來作瘡痂今皇神聖丞相明詔書纔下吳蜀平官



軍又取淮西賊此賊亦除天下寧年年耕種宮前道今年  
不遣子孫耕老翁此意深望幸努力廟謀休用兵

驪宮高

白居易

高高驪山上有宮朱樓紫殿三四重遲遲兮春日玉甃暖  
兮溫泉溢嫋嫋兮秋風山蟬鳴兮宮樹紅翠華不來歲月  
久牆有衣兮瓦有松吾君在位已五載何不一幸乎其中  
西去都門幾多地吾君不來遊集作有深意一人出兮不容  
易六宮從兮百司備八十一車千萬騎朝有宴飫暮有賜  
中人之產數百家未足充君一日費吾君修己人不知不  
自逸兮不自嬉吾君愛人人不讎不讎財兮不奪集作力  
驪宮高兮高入雲君之來兮為一身君之不來兮為萬民  
集作人

滕王閣歌

王勃

滕王高閣臨江渚珮玉鳴鸞罷歌舞畫棟朝飛南浦雲珠  
簾暮捲西山雨閣雲潭影日悠悠物換星移度幾秋閣中  
帝子今何在檻外江流空自流

兩朱閣

白居易

兩朱閣南北相對起借閣何人家貞元雙帝子帝子吹簫  
雙得仙五雲飄颻迎飛集作上天第宅亭臺不將去傳為佛  
寺在人間粧閣閣集作妓樓何寂靜柳似舞腰池似鏡花落  
黃昏悄悄時不聞鼓歌集作吹聞鍾磬寺門勅榜金字書尼  
院佛庭寬有餘青苔明月多閑地比屋齊集作人無一作  
處居憶昨平陽宅初置吞併平人幾家地仙去雙雙作梵  
宮漸恐人家間集作盡為寺

南園

李賀

方領蕙帶折角巾杜若已老蘭芷集作春南山削秀藍玉

合小雨歸去飛長

集作涼

雲熟杏暖香梨葉老草銷

集作又注

稍蒲

竹柵鑠池根

集作注作痕又

鄭公鄉老開酒盞坐泛楚奏

集作注

酒作

吟招魂

金谷園歌

韋應物

石氏滅金谷園中水流絕當時豪右爭驕侈錦為步障四  
十里東風吹花雪滿川紫氛集作氣凝閣朝景妍洛陽陌上  
人迴首絲竹飄颻入青天晉武平吳恣懽醺餘風靡靡朝  
廷變嗣世衰微誰肯憂二十四友日日空追遊追遊詎可  
足共惜年華促禍端一發埋恨長百草無情春自綠

勞勞亭歌

亭在江寧南十五里古送別之所一名臨滄觀

李白

金陵勞勞送客堂蔓草離離生道傍古情不盡東流水此  
日悲風愁白楊我乘素舸同康樂朗詠清川飛夜霜昔聞  
牛渚吟五章今來何謝袁家郎苦竹寒聲動秋月獨宿空

簾歸夢長

皆集作此地

宿東溪李十五山亭

王季友

上山下山入山谷溪中落日留我宿松石依依當主人主  
人不在意亦足名花出地兩重階絕頂平天一小齋本意  
由來是山水何用相逢語一作話舊懷

奉和禮部李尚書酬楊著作竹亭歌

權德輿

直城朱戶相遷連九達丹轂聲闐闐春官自有花源賞終  
日南山當目前晨槿玉珮趨温室暮入竹蹊一作溪疑洞天  
烟銷雨過看不足晴翠鮮飈逗深谷獨謠一曲泛流霞閑  
對千竿連淨綠縈迴䟽鑿隨勝地石磴巖扉光景異虛齋  
寂寂清籟吟幽澗紛紛雜英墜家承麟趾貴劍有龍泉賜  
上奉明時事無事人間方外興偏多能以簪纓狎薜蘿嘗  
通內學青蓮偈更奏新聲白雪歌風入松雲歸棟鴻飛滅



處猶目送蝶舞閑時忽成夢集作夢蘭臺有客叙交情返  
照中林曳履迎集作聲直爲君思集作思催造膝東方辨色謁  
承明

蕭常侍瘦栢亭歌

盧綸

栢之異者山中靈好人截斷爲君亭雲翻浪卷不可識鳥  
獸成形花倒植莓苔舊點色尚青霹靂殘痕節猶黑金貂  
主人漢三老構此窮年下朝早心規目製不暫疲匠者受  
詞無一詞清晨拂匣羨生鏡落日凭欄星滿池攢薨闔拱  
無斤跡根瘦聯懸同素壁數層亂寫裏峯萬片爭雲呈雪  
中石重簾不動自飄香似到瀛洲白雪集作玉堂水精如意  
方同集作全色雲母屏風遂掩光四堦綿綿被纖草草上依  
微衆山道松間汲井煙翠寒洞裏圍碁天景好愚儒敢欲  
賀成功鸞鳳栖翔固不同應念廢材今接地一枝思寄戶

庭中

白沙亭逢吳叟歌

韋應物

龍池宮裏上皇時羅衫寶帶香一作春風吹滿朝豪士今已  
盡欲話舊遊人不知白沙亭上逢一作遭吳叟愛客脫衣且  
沽酒問之執戟亦先朝零落艱難却負樵親觀文物蒙雨  
露見我昔年侍丹霄冬狩春祠無一事歡遊洽醮多頒賜  
嘗陪夕月竹宮齋每返溫泉灞陵醉星歲再周十二辰爾  
來不語今爲君盛時忽去良可恨一身集作生坎壈何足云

經行

封丘作

高適

我本漁樵孟諸野一生自是悠悠者乍可狂歌草澤中寧  
堪作吏風塵下只言小邑無所爲公門百事皆有期拜迎  
官長心欲破集作碎鞭撻黎庶令人悲歸集作悲來向家問妻

子舉家盡哭集作道今如此生事須依集作應南畝田世情付

與東流水夢想舊山安在哉為衛君命日集作且遲迴乃知

梅福徒為爾却集作轉憶陶潛歸去來

發閬中歌

杜甫

前有毒地後猛虎溪行盡日無村塢江風蕭蕭雲拂地山  
木慘慘天欲雨女病妻憂歸意速秋花錦石誰復數別家  
三月一書來集作得書避地何時免愁苦

金陵歌送別范宣

李白

石頭嶢巖如虎踞陵波欲過滄洲集作江去鍾山龍盤走勢

來秀色橫分歷陽樹四十餘帝三百秋功名事跡隨東流

白馬小兒集注作金鞍誰家子泰清之歲來關囚集注作吹脣

金陵昔時集作日何壯哉席卷英豪天下來冠蓋散為烟霧

盡金輿玉座一作章成寒灰扣劍悲吟空咄嗟梁陳白骨亂

如麻天子龍沉景陽井誰歌玉樹後庭花此事傷一作悲

心不能道城集作司下離離長春草送爾長江萬里心他年

來訪南山皓

梁園吟

見三百三十六卷

前人

襄陽歌

見二百一卷

前人

長安道

見一百九十二卷

韋應物

鄴城引

張鼎

君不見漢家失統三靈變魏武爭雄六龍戰盪海吞江制  
中國迴天運斗應南面隱隱都城紫陌開迢迢分野黃星  
見流年不駐漳河水明月俄終鄴國宴文章猶入管絃新  
惟座空銷狐兔塵可惜望陵歌舞處松風四面暮愁人

鴻門行

袁瓊

少年買意氣百金不辭費學劍入西秦結交北遊魏秦魏



多報人與代亦殊倫由來不相識皆是暗相親寶馬青絲  
轡狐裘貂鼠服一作皮非晨過劇孟遊暮投咸陽宿然諾本云  
云諸侯莫不聞猶思百戰術更逐李將軍始從灞陵下遙  
遙度朔野北風聞楚歌南庭見胡馬胡馬秋正肥相邀夜  
合圍戰酣烽火滅路斷救兵稀白刃縱橫逼黃塵飛不息  
虜騎血灑衣單于淚霑臆獻凱雲臺中自言塞上雄將軍  
行失勢部曲遂無功新人不如舊一作舊人不相救萬里  
長飄飄十年計不就棄置一作重論驅馬度鴻門行看難楚漢  
事不覺風塵昏寶劍中夜撫悲歌聊獨舞此曲不可終曲  
終淚如雨

顧渚行行寄裴芳丹

釋皎然

我有雲泉隣渚山山中茶事頗相關鷓鴣鳴時芳草死山  
家漸欲收茶子伯勞飛日芳草滋山僧又是採茶時由來

慣採無近遠陰嶺長兮陽崖淺大寒山下葉未生小寒山

中葉初卷

二山名

吳姪携籠上翠微蒙蒙香刺冒春衣山迷

乍可落花亂度水時驚啼鳥飛家園不遠乘露摘歸時露

彩猶滴瀝初看抽出欺玉英更取金疑來勝金液昨夜西

風雨色過朝尋新茗復如何女宮露滋青牙老堯市人稀

紫筍多紫筍青牙誰得識日暮探疑採疑作之長太息清冷真

人待子元

仙傳清冷真人裴君與道人真子元為友

貯此芳香思何極

武源行

前人

昔年群盜阻江東吳山動挫楚澤空齊人示戴二字疑

蜂蠆

毒羨稷化為荆棘藂勾勾四顧多窰穴浮雲白波不妨回萬

人死地當虎口一旦生涯懸鼓中昨日將軍徇死節悉向

生昏二字疑

陷成血曾中豹略張陣雲握內地矛揮白雪長

州南去接孤城居人散盡鼓諺疑驚三春不見芳草色四



多報人與代亦殊倫由來不相識皆是暗相親寶馬青絲  
轡狐裘貂鼠服一作皮非晨過劇孟遊暮投咸陽宿然諾本云  
云諸侯莫不聞猶思百戰術更逐李將軍始從灞陵下遙  
遙度朔野北風聞楚歌南庭見胡馬胡馬秋正肥相邀夜  
合圍戰酣烽火滅路斷救兵稀白刃縱橫逼黃塵飛不息  
虜騎血灑衣單于淚霑臆獻凱雲臺中自言塞上雄將軍  
行失勢部曲遂無功新人不如舊一作舊人不相救萬里  
長飄飄十年計不就棄置一作棄論驅馬度鴻門行看難楚漢  
事不覺風塵昏寶劍中夜撫悲歌聊獨舞此曲不可終曲  
終淚如雨

顧渚行行寄裴芳丹

釋皎然

我有雲泉隣渚山山中茶事頗相關鷓鴣鳴時芳草死山  
家漸欲收茶子伯勞飛日芳草滋山僧又是採茶時由來

慣採無近遠陰嶺長兮陽崖淺大寒山下葉未生小寒山

中葉初卷

二山名

吳姪携籠上翠微蒙蒙香刺冒春衣山迷

乍可落花亂度水時驚啼鳥飛家園不遠乘露摘歸時露

秋猶滴瀝初看抽出欺玉英更取金疑來勝金液昨夜西

風雨色過朝尋新茗復如何女宮露滋青牙老堯市人稀

紫筍多紫筍青牙誰得識日暮探疑

採

之長太息清冷真

人待子元

仙傳清冷真人裴君與道人真子元為友

貯此芳香思何極

武源行

前人

昔年群盜阻江東吳山動搖楚澤空齊人示戴二字

疑

蜂蠆

毒羨稷化爲荆棘藂匆匆四顧多窰穴浮雲白波不妨同萬

人死地當虎口一旦生涯懸鼓中昨日將軍徇死節悉向

生昏二字

疑

陷成血曾中豹略張陣雲握內地矛揮白雪長

州南去接孤城居人散盡鼓諺疑

疑

驚三春不見芳草色四



面唯聞刁斗聲此時狂寇紛如市君當要衝固深壘縱橫  
計出皆獲全士身先每輕死掃平氛祲望吳門人閑歲美  
桑柘繁此屋全生受君賜連營罷戰預君恩如何弃置  
功未錄通籍無名滯江曲灞亭不重李將軍漢爵猶輕蘇  
屬國荒營寂寂隱山椒春意空驚故柳條野戰攻城如此  
即今誰是霍嫖姚

過荆門歌

李紳

荆江水闊煙波轉荆門路遠山蔥蒨帆勢侵雲滅又明山  
呈疑作背日昏黃見青青麥隴啼飛鴉寂莫野逕棠梨花  
行行驅馬萬里遠漸入煙嵐危棧賒林中有鳥飛幽谷月  
上千巖一聲哭腸斷思歸不可聞人言恨鬼來巴蜀我聽  
此鳥祝我魂死勿學此聲銜冤縱爲羽族莫栖息直上青  
雲呼帝闕此時山月如銜鏡巖巖參差互輝映皎潔深看

入澗泉分明細見樵人逕陰森鬼廟當郵亭鷄豚日宰聞  
羶腥愚夫禍福自迷惑魍魎憑何通百靈月低山曉問行  
客已醉漿拜荒陌惆悵忠貞徒自持誰祭山頭望夫石

文苑英華卷第三百四十三

登仕郎胡

柯

鄉貢進士彭

叔夏

校正

面唯聞刁斗聲此時狂寇紛如市君當要衝固深壘縱橫  
計出皆獲全士身先每輕死掃平氛復望吳門人閑歲美  
桑柘繁此屋全生受君賜連營罷戰預君恩如何弃置  
功未錄通籍無名滯江曲灞亭不重李將軍漢爵猶輕蘇  
屬國荒營寂寂隱山椒春意空驚故柳條野戰攻城只如此  
即今誰是霍嫖姚

過荆門歌

李紳

荆江水闊煙波轉荆門路遠山蔥蒨帆勢侵雲滅又明山  
呈疑作背日昏黃見青青麥隴啼飛鴉寂莫野逕棠梨花  
行行驅馬萬里遠漸入煙嵐危棧賒林中有鳥飛幽谷月  
上千巖一聲哭腸斷思歸不可聞人言恨鬼來巴蜀我聽  
此鳥祝我魂死勿學此聲銜冤縱爲羽族莫栖息直上青  
雲呼帝闕此時山月如銜鏡巖參差互輝映皎潔深看

入澗泉分明細見樵人逕陰森鬼廟當郵亭鷄豚日宰聞  
羶腥愚夫禍福自迷惑魍魎憑何通百靈月低山曉問行  
客已醉漿拜荒陌惆悵忠貞徒自持誰祭山頭望夫石

文苑英華卷第三百四十三

登仕郎胡

柯

鄉貢進士彭

叔夏

校正



文苑英華卷第三百四十四

歌行十四

獸

馬十首

牛二首

犀一首

虎一首

豹一首

羸駿篇

喬知之

噴玉長鳴西北來自言當代是龍媒萬里鐵關行入貢九

重金闕一作門為君開蝶躩朝馳過上苑趁趨暝走發章臺

玉勒金鞍荷裝飾路傍觀者無窮極小山桂樹比權奇上

林花挑况顏色忽聞天將出龍沙漢王持將駕鼓車去去

山川勞日夜遙遙關塞斷煙霞山川關塞十年征汗血流離

赴月營肌膚銷遠道膂力盡長城長城日夕苦風霜中有

連年百戰場搖珂齒勒金羈盡爭鋒足頓鐵菱傷垂耳罷

輕賫棄置在寒谿大宛蒲海北滇壑舊一作巖西沙平留  
緩步路遠聞頻嘶從來力盡君須棄何必尋途我已迷歲  
歲年年奔遠道朝朝暮暮催疲老扣冰晨飲黃河源拂雪  
夜食天山草楚水檀溪征戰事吳塞烏江辛苦地特來報  
主不辭勞宿昔立功非重利丹心素節本無求長鳴向君  
君不留祇應漫一作漫歸田里萬里低昂任生死君王儻  
若不見遺白骨千金猶可市

沙苑行

杜甫

君不見左輔白沙如白集作如水繚以周墻百餘里龍媒昔  
是渥洼生汗血今稱獻於此苑中駉北三千疋豐草青青  
寒不死食之豪健西域無每歲攻一作收駒寇邊鄙王有虎  
臣司苑門入門天廐皆雲屯驪驪一骨獨當御春秋二時  
歸至尊至尊內外馬盈億伏櫪在垆空大存逸羣絕足信

殊傑個儻權竒難具論累累埴阜藏奔突往往坡陀縱超  
越角壯翻騰麋鹿游浮深簸蕩鼉鼉窟泉出巨魚長比人  
丹砂作尾黃金鱗豈知異物同精氣雖未成龍亦有神

老馬行

前人

東郊老馬集作瘦使我傷骨骼砭兀如堵墻絆之欲動轉欹

側此豈有意仍騰驤細看六印帶官字衆道三軍遺路傍  
皮乾剝落雜泥滓毛暗蕭條連雪霜去歲奔波逐餘寇驛  
騶不慣不得將士卒多騎內廐馬惆悵恐是病乘黃當時  
歷塊悞一蹶委棄非汝能周防見人慘澹苦集作若哀  
訴失主錯莫集作漢無精集作晶光天寒遠放鴈爲伴集作侶日  
暮未集作不收烏啄瘡誰家且養願終惠更試明年春草長

李鄠縣丈人胡馬行

前人

丈人駿馬名胡騮前年避賊集作胡過金牛迴鞭却走見天



子朝飲漢水暮靈州自矜胡騶奇絕代乘出千人萬人愛  
一聞說盡急難材轉益愁向駑駘鞞頭上銳耳批秋竹脚  
下高蹄削寒玉始知神龍一作神龍別有種不比集作似俗馬空  
多肉洛陽大道時再清累日喜得俱東行鳳臆麟鬚集作龍  
未易識側身注目長風生

駿馬歌

集作驄馬行

前人

高都護驄馬行

前人

右二詩合入此卷歌行門而英華誤編在二百九卷

樂府門今不重錄

驅馬篇

戴嵩

神哉彼泰山五嶽專其名隆高貫雲霓嵯峨出泰清流六  
二候間此句疑高置十二亭上有涌醴泉玉石揚華英東北  
望吳野西望觀日精王者已歸天効厥元功成

舞馬篇

薛曜

星精龍種競騰驤雙眼黃金紫艷光一朝逢遇升平代伏  
阜街圖事帝王我皇盛德苞六羽俗泰時和虞石拊昔聞  
九伐有餘名山海經夏后啓舞九代馬伐疑是代字今日百獸先來舞鈎陳  
周衛儼旌旄鍾鎛陶匏聲殷地承雲嘈噴駭日靈調露鏗  
鉉天動駟若麟螭躡景追風忽見知咀銜拉鐵並摧奇被  
服雕草何陸離紫玉鳴珂臨寶鐙青絲綵絡帶金羈追歌  
鼓而電一作電驚逐九劔而飈馳態聚踣普胡切還急驕  
疑驟不移光敵白日下氣擁綠煙垂婉轉盤跚殊未已  
懸空步驟紅塵起驚鳧翔鷺不堪儔矯鳳迴鸞那足  
擬蘅垂桂裊香氛盪長鳴汗血盡浮雲不辭辛苦來東道  
祇爲簫韶朝夕聞閭闔間一作門玉臺側承恩煦兮生光色  
鸞鏘鏘車翼翼備國容兮爲戎飾充雲翹兮天子庭荷日



用兮情無極吉良乘兮一千歲神是一作得兮天地期大  
易占六南山壽趁趨共樂聖明時

望雲騅馬歌并序

元稹

德宗皇帝以八馬幸蜀七馬道斃唯望雲騅來往不頓貞  
元中老死夫廐臣稹作歌以記之

憶昔先皇幸蜀時八馬入谷七馬疲肉綻筋攣四蹄脫七

馬死盡無馬騎天子蒙塵天雨泣巉巖道路淋漓濕崢嶸

白草眇難期謬洞黃泉安可入自草認洞並駱谷中地朱泚  
名古諺云認洞入黃泉

圍兵抽未盡懷光寇騎追行及嬪娥相顧倚樹啼鸚鷺無

聲仰天泣圍人不疑進望雲騅衫色一作顯顛衆馬欺上前

噴吼如有意耳尖卓立節踈竒君王試遣迴曾臆撮骨鋸

牙駢兩肋蹄懸四距脛顆方跨竦三山尾抹直圍人畏誚

仍相惑此馬無良空有力頻頻齧掣轡難施徃徃跳趨騎

集作不得色沮聲悲仰天訴天不遣言君未識亞身受取

白玉鞍集作開口銜將紫金勒君王自此方敢騎似遇良

臣及悽惻龍騰魚鼈咸震集作驚驥眄驢騾少顏色七聖

心迷運方厄五丁力盡路猶窄駱駝山上斧刃堆望秦嶺

下錐頭石五六百里真符縣八十四盤青山驛掣開流電

有輝光突過浮雲無朕跡地平隘集作盡施黃屋九九屬

車十二纛齊映前導引騅頭嚴震迎號抱騅足路傍垂白

天寶民望騅禮拜見騅哭皆云集作玄宗當時無此馬不

免騎騾來幸蜀雄雄猛將李令公收城殺賊材狼空天旋

地轉日再中天子却坐明光宮朝廷無事忘征戰校獵朝

迴暮毬宴御馬齊登擬用槽廐中號乘輿之君王自試

宣徽殿圍人還進望雲騅性强步闊無方便分髹擺袂集

擺分頭太高擎肘迴顛集作項難轉人人共惡難回跋潛



遣飛龍減芻秣金集作鞍繡韉不復施空盡茲引天年御

槽活當時鄙諺色有云集作莫倚功能集作浪開閣登山

縱似望雲騅平地須饒紅叱騷集作長安三月花垂草果

下翩翩紫騮好千官暖熟李令閑百馬生嚮望雲老望雲

騅爾之種類世世奇當時項王乘爾祖分配英雄集作稱

霸王爾身今日逢聖人從幸巴渝歸入秦功成事遂身退

天之道何必隨羣逐隊到死踏紅塵望雲騅用與不用各

有時爾勿悲

瘦馬行

李端

城傍牧馬驅未過一馬徘徊起還臥眼中有淚皮有瘡骨

毛焦瘦令人傷朝朝放在兒童手誰覺舉頭看故鄉往時

漢地相馳逐如雨風過平陸豈意今朝驅不前蚊蚋如滿

身泥上腹路人識是名馬衰一作疇昔三軍不得騎玉勒

金鞍既已過追奔獲獸有誰知終身櫪上食君草遂與駑

駘一時老儻借長鳴隴上風猶期一戰安西道

放牛歌

陸龜蒙見集

江草秋窮似秋半十角吳牛放江岸鄰肩抵尾乍依隈橫

去斜奔忽分散荒陂斷塹無端入背上時時孤鳥立日暮

相將帶雨歸田家煙火微茫濕

官牛

白居易

官牛官牛駕官車漉水岸邊驅集作載沙一石沙幾斤重

朝駕集作暮載將何用載向五門官道西綠槐陰下填集作

沙堤昨來新拜右丞相恐畏泥深集作汙馬蹄右丞相

馬蹄踏沙雖淨繫牛領牽車欲流血右丞相但能濟人理

國調陰陽官牛領穿亦無妨

馴犀

貞元丙子歲南海獻馴犀詔納前人



馴犀馴犀通天犀軀貌駭人角駭雞海蠻聞有明天子驅  
犀乘傳來萬里一朝得謁大明宮歡呼拜舞自論功五年  
馴養始堪獻六譯語言方得通上嘉人獸俱來遠蠻館四  
方犀入苑鉢以瑤芻鎖以金故鄉迢遞君門深海鳥不知  
鍾鼓樂池魚空結江湖心馴犀生處南方熱秋無白露冬  
無雪一入上林三四年又逢今歲苦寒月飲冰臥霰苦蹠  
躅角骨凍傷鱗甲縮馴犀死蠻童集作兒啼向闕再拜顏色  
低奏乞生歸本國去恐身凍死似馴犀君不見建中初馴  
象生還故集作林邑建中元年詔盡出苑放君不見貞元末  
馴犀凍死蠻兒泣所嗟建中異貞元象生犀死何足言

南陽小將張彥硤口鎮稅人場射虎歌

海內昔年狎太平橫目攘攘何崢嶸天生天殺豈天怒忍  
使朝朝餵猛虎關東驛路多丘荒行人最忌稅人場張彥

雄特制殘暴見之叱起如叱羊鳴弦霹靂越幽阻往往依  
林猶旅拒草際旋看委錦茵腰間不更一作抽白羽老饕  
已斃衆雖恐童稚擲揄皆自勇忠良効順勢亦然一劍猜  
狂敢輕動有文有武方爲國不是英雄伏不得試徵張彥  
作將軍幾箇將軍願策勲

臘日觀咸寧王部曲娑勒擒豹歌 盧綸

山頭瞳瞳日將出山下獵圍照初日前林有獸未識名將  
軍促騎無人聲潛形踈伏草不動雙鷗轉旋羣鷄鳴陰方  
質子纔三十譯語受詞蕃語揖捨鞍解甲疾如風人忽虎  
蹲獸人立歛然扼頰批其頤爪牙委地涎淋漓旣蘇復吼  
拗仍怒果叶英謀生致之拖自深叢目如電萬夫失容千  
馬戰傳呼賀拜聲相連殺氣騰陵陰滿川始知縛虎如縛  
鼠敗虜降羌皆目覩一作在祝爾嘉詞爾無苦獻爾將隨



馴犀馴犀通天犀軀貌駭人角駭雞海蠻聞有明天子驅  
犀乘傳來萬里一朝得謁大明宮歡呼拜舞自論功五年  
馴養始堪獻六譯語言方得通上嘉人獸俱來遠蠻館四  
方犀入苑銖以瑤芻鎖以金故鄉迢遞君門深海鳥不知  
鍾鼓樂池魚空結江湖心馴犀生處南方熱秋無白露冬  
無雪一入上林三四年又逢今歲苦寒月飲冰臥霰苦蹠  
跼角骨凍傷鱗甲縮馴犀死蠻童集作兒啼向闕再拜顏色  
低奏乞生歸本國去恐身凍死似馴犀君不見建中初馴  
象生還故集作林邑建中元年詔盡出苑放君不見貞元末  
馴犀凍死蠻兒泣所嗟建中異貞元象生犀死何足言

南陽小將張彥硤口鎮稅人場射虎歌

海內昔年狎太平橫目攘攘何崢嶸天生天殺豈天怒忍  
使朝朝餵猛虎關東驛路多丘荒行人最忌稅人場張彥

雄特制殘暴見之叱起如叱羊鳴弦霹靂越幽阻徃徃依  
林猶旅拒草際旋看委錦茵腰間不更一作抽白羽老饕  
已斃衆雖恐童稚擲揄皆自勇忠良効順勢亦然一劍猜  
狂敢輕動有文有武方爲國不是英雄伏不得試徵張彥  
作將軍幾箇將軍願策勲

臘日觀咸寧王部曲娑勒擒豹歌 盧綸

山頭瞳瞳日將出山下獵圍照初日前林有獸未識名將  
軍促騎無人聲潛形踈伏草不動雙鷗轉旋羣鷄鳴陰方  
質子纔三十譯語受詞蕃語揖捨鞍解甲疾如風人忽虎  
蹲獸人立歛然扼頰批其頤爪牙委地涎淋漓旣蘇復吼  
拗仍怒果叶英謀生致之拖自深叢目如電萬夫失容千  
馬戰傳呼賀拜聲相連殺氣騰陵陰滿川始知縛虎如縛  
鼠敗虜降羌皆目覩一作在祝爾嘉詞爾無苦獻爾將隨

犀象舞苑中流水禁中山期爾攫搏開天顏非熊之兆度  
無極願紀雄名傳百蠻

文苑英華卷第三百四十四

登仕郎胡 柯 鄉貢進士彭 叔夏 校正

文苑英華卷第三百四十五

詩行十五

禽

鳳一首

鸞三首

鶴二首

杜鵑二首

鷓二首

百舌一首

鳶一首

秦吉了一首

白鷗一首

水鳥一首

朱鳳行

杜甫

君不見瀟湘之山衡山高山巔

下圖杜詩作巖

朱鳳聲

集作鳴

嗷嗷側

身長顧求其曹翹垂口噤心甚勞

一作勞

下悠百鳥在羅網

黃雀最小猶難逃願分竹實及螻蟻盡使鳩梟相怒號

侍遊宜春苑奉詔賦龍池柳色初青聽新鸞百

轉謔

李白



東風已綠瀛洲草紫殿紅樓覺春好池南柳色半青青紫  
烟裏娜拂綺城垂絲百尺挂雕楹上有好鳥相和鳴間關  
早得春風情春風卷入碧雲去千門萬戶皆春聲是時  
王在鎬京五雲垂暉耀紫清仗出金宮隨日轉天迴玉輦  
繞花行始向蓬萊看舞鶴還過苕若聽新鷺新鷺飛繞上  
林苑願入蕭韶雜鳳笙

聽鷺歌

僧靈徹

新鷺傍簷曉更悲孤音清冷轉素技口邊血出語未盡豈  
是怨恨人不知不食枯桑椹不銜苦李花偶然弄樞機婉  
轉陵煙霞衆雛飛鳴何跼促自覘遊鱗啄枯木玄猿何事  
朝夜啼白鷺長在汀洲宿黑鷗黃鶴豈不高金籠玉鈎傷  
羽毛三江七澤去不得風煙日暮生波濤飛去來莫上高  
城頭莫下空園裏城頭鳩鳥拾羶腥空園鷺雀爭泥滓願  
當結舌含白雲五月六月一聲不可聞

聽鷺歌

集作曲

韋應物

東方欲曙花冥冥啼鷺相喚亦可聽乍去乍來時近遠纔  
聞南陌又東城忽似上林翻下苑綿蠻蠻如有情欲轉不  
轉意自嬌羞兒弄笛曲未調前聲後聲不相及秦女學  
箏指猶澁須臾風暖朝日暎流音變作百鳥喧誰家懶婦  
驚殘夢何處愁人憶故園伯勞飛過聲跼促戴勝下時桑  
田綠不及流鶯日日啼花間能使萬家春意閑有時斷續  
聽不了飛去花枝猶裊裊還栖碧樹鎖千門春滿方殘一  
聲曉

仙鶴篇

武三思

白鶴乘空何處飛青田紫蓋本相依絳山七月雖長去遼  
水千年會意歸絳山杳杳翔寥廓遼水纍纍難城郭經隨



東風已綠瀛洲草紫殿紅樓覺春好池南柳色半青青紫  
烟裏娜拂綺城垂絲百尺挂雕楹上有好鳥相和鳴間關  
早得春風情春風卷入碧雲去千門萬戶皆春聲是時  
王在鎬京五雲垂暉耀紫清仗出金宮隨日轉天迴玉輦  
繞花行始向蓬萊看舞鶴還過苕若聽新鷓新鷓飛繞上  
林苑願入蕭韶雜鳳笙

聽鷓鴣詞

僧靈徹

新鷓傍簷曉更悲孤音清冷轉素枝口邊血出語未盡豈  
是怨恨人不知不食枯桑椹不銜苦李花偶然弄樞機婉  
轉陵煙霞衆雛飛鳴何跼促自覘遊鱗啄枯木玄猿何事  
朝夜啼白鷺長在汀洲宿黑鷗黃鶴豈不高金籠玉鈎傷  
羽毛三江七澤去不得風煙日暮生波濤飛去來莫上高  
城頭莫下空園裏城頭鷓烏拾糴腥空園鷓雀爭泥滓願  
當結舌含白雲五月六月一聲不可聞

聽鷓鴣歌

集作曲

韋應物

東方欲曙花冥冥啼鷓相喚亦可聽乍去乍來時近遠纔  
聞南陌又東城忽似上林翻下苑綿蠻蠻如有情欲轉不  
轉意自嬌羌兒弄笛曲未調前聲後聲不相及秦女學  
箏指猶澁須臾風暖朝日暎流音變作百鳥喧誰家懶婦  
驚殘夢何處愁人憶故園伯勞飛過聲跼促戴勝下時桑  
田綠不及流鶯日日啼花間能使萬家春意闕有時斷續  
聽不了飛去花枝猶裊裊還栖碧樹鎖千門春漏方殘一  
聲曉

仙鶴篇

武三思

白鶴乘空何處飛青田紫蓋本相依緱山七月雖長去遼  
水千年會意歸緱山杳杳翔寥廓遼水纍纍難城郭經隨



羽客步丹丘曾逐仙人遊碧落迢迢碧落斷氛埃霞堂雲閣疑幾重開欲尋東海黃金竈仍向西山白玉臺九臯獨嘆方情切五里驚羣俄斷絕月下分行似度雲風前颺影疑迴雪風前月下路漫漫水宿雲翔去幾般宛轉能傾吳國市徘徊巧拂漢皇壇琴中作曲從來易鼓裏傳聲有甚難夜夜怕飛銀漢曲朝朝常飲玉池瀾別有聞簫出紫煙還如化履上青天霜毛忽控三神下玉羽俄看二客旋鷲雀終迷橫海志蜉蝣豈識在陰年莫言一舉須千里爲與三山送九仙

鶴媒歌

陸龜蒙

偶繫江集作漁船汀樹枝因看射鳥令人悲盤空野鶴忽然下背翳見媒心不疑媒閑淨立如無事清淚時時入遙吹徘徊未忍過南塘且應同聲與集作就同類疏翎宛若相逢

喜只怕纔來又驚起窺鱗啄藻乍低昂注定當胃流一矢媒歡舞躍勢離披似諂功能膏弩兒雲飛水宿各自物妬侶害羣猶爾爲何況集作異人間有名利外頭笑語中猜忌君不見荒陂野鶴陷良媒同類同聲真可畏

杜鵑行

杜甫

君不見昔日蜀天子化作杜鵑如集作似老鳥寄巢生子不自啄羣鳥至今與哺雖雖同君臣有舊禮骨肉滿眼如集作身羈孤業工鼠伏深樹裏四月五月偏號呼其聲哀痛口流血所訴何事常區區爾豈摧殘始發憤羞帶羽翮傷形愚蒼天變化誰料得萬事反覆何所無萬事反覆何所無豈憶當殿羣臣趨

同前

司空曙

古時杜宇稱望帝魂作杜鵑何微細跳枝窺葉樹木中槍

羽客步丹丘曾逐仙人遊碧落迢迢碧落斷氛埃霞堂雲閣疑幾重開欲尋東海黃金竈仍向西山白玉臺九臯獨嘆方情切五里驚羣俄斷絕月下分行似度雲風前颺影疑迴雪風前月下路漫漫水宿雲翔去幾般宛轉能傾吳國市徘徊巧拂漢皇壇琴中作曲從來易鼓裏傳聲有甚難夜夜恒飛銀漢曲朝朝常飲玉池瀾別有聞簫出紫煙還如化履上青天霜毛忽控三神下玉羽俄看二客旋鷲雀終迷橫海志蜉蝣豈識在陰年莫言一舉須千里爲與三山送九仙

鶴媒歌

陸龜蒙

偶繫江漁集作船汀樹枝因看射鳥令人悲盤空野鶴忽然下背翳見媒心不疑媒閑淨立如無事清溪時時入遙吹徘徊未忍過南塘且應同聲與集作同類疏翎宛若相逢

喜只怕纔來又驚起窺鱗啄藻乍低昂注定當冒流一矢媒歡舞躍勢離披似諂功能膏弩兒雲飛水宿各自物妬侶害羣猶爾爲何況集作人間有名利外頭笑語中猜忌君不見荒政野鶴陷良媒同類同聲真可畏

杜鵑行

杜甫

君不見昔日蜀天子化作杜鵑如集作老鳥寄巢生子不自啄羣鳥至今與哺雛雖同君臣有舊禮骨肉滿眼如集作羈孤業工鼠伏深樹裏四月五月偏號呼其聲哀痛口流血所訴何事常區區爾豈摧殘始發憤羞帶羽翮傷形愚蒼天變化誰料得萬事反覆何所無萬事反覆何所無豈憶當殿羣臣趨

同前

司空曙

古時杜宇稱望帝魂作杜鵑何微細跳枝窺葉樹木中搶



翔集作警集作振雌隨雄毛衣慘黑自顛頽眾鳥安肯相尊崇

漏集作形不敢栖葦屋短翮唯願巢深叢穿皮啄朽甍欲

秃苦飢始得食一蟲誰言養雖不自哺此語亦足為愚蒙

聲音咽平聲噓若集作咽如有謂號啼略與嬰兒同口乾垂血

轉迫促欲似集作欲上訴於蒼穹蜀人聞之皆起立至今相

効傳微風集作傳遺風學乃知變化不可窮豈思昔日居深宮

嬪妃左右如化紅

呀鵲行

杜甫

病鵲早飛俗眼醜每夜江邊宿衰柳清秋落月集作已側

身過鴈歸鷓錯迴首緊腦雄姿迷所向踈翻稀毛不可狀

強神迷復阜鷓前俊材早在蒼鷹上風濤颯颯寒山陰熊

羆欲繫集作龍地深念爾此時有一擲失聲濺血非其心

義鵲行

前人

陰崖二蒼集作有蒼鷹養子黑栢巔白地登其巢吞噬資

朝食集作餐恣雄飛遠求食雌者鳴辛酸力強不可制黃口

寧集作半存其父從西歸集作翻身入長煙斯須領健鵲

冤憤集作痛憤又寄所宣斗上挨孤影無聲集作來九天脩

鱗脫遠枝巨顛拆老拳高空得蹭蹬短草辭蜿蜒折尾能

一掉飽腸皆已集作穿生雖滅集作眾雖死亦垂千年物

情有報復快意貴目前茲實鷲鳥最急難心炯集作然功

成失所往用捨何其賢近經滴水涓此事樵人集作傳飄

蕭覺素髮凜若集作衝儒冠人生許與一作分亦在集作只在

顧眄間聊為義鵲行永集作激壯士肝集作所往集作所在

百舌吟

劉禹錫

曉星寥落春雲低初聞百舌間關啼花枝滿空迷處所搖  
動繁英墜紅雨笙簧百轉音韻多黃鸝吞聲鶯無語東方





此珍禽空自知著書晚下麒麟閣幼稚驕癡候門樂乃言  
物性不可違白鷗愁慕刷衣毛集作毛衣玉徽閑匣留爲念六翮  
開籠任爾飛

水鳥歌

陸龜蒙

水鳥山禽雖異名天工各與雙翅翎鷓鴣巢吞啄即一例游  
處高卑殊不停則有嘴鈎爪戟勁立直視者擊搏挽裂圖  
羶腥如此等色恣豪橫竦身往往陵青冥爲人羅絆取材  
力韋鞵絲綬懸金鈴三驅不以鳥捕鳥天下先得聞諸經  
超然可繼義勇後恰似有意集作志行天刑鷗閑鶴散兩自  
遂意思不受人丁寧今朝掉倚寒江汀春鉏翡翠參鳩鵲  
孤翹側睨瞥滅沒未是即肯馴軒楹婦女衣襟便佞舌始  
得金籠日提挈精神卓一作背人飛合集作冷抱蒹葭宿煙  
月我與時情大垂刺紙是江禽有眉髮慙慙謝爾莫相猜歸

來長短同羣活

文苑英華卷第三百四十五

登仕郎胡 柯 鄉貢進士彭 叔夏 校正

文苑英華卷第三百四十六

歌行十六

愁怨

怨四首

弃婦一首

苦婦一首

綠珠篇一首

飛鷺篇一首

秦女歌一首

靜女歌一首

情人玉清歌一首

盧姬篇一首

茁草春一首

鄭櫻桃歌一首

絕纓歌一首

李夫人一首

鄭姬歌一首

長恨歌一首

姬人怨

江惣

天寒海水慣相知空床明月不相宜庭中芳桂憔悴葉井上疎桐零落枝寒灯作花羞夜短霜鴈多情怕結伴非為



隴水望秦川直置前篇至思君腸自斷

前人怨服散篇

前人

薄命夫婿好神仙避類聚愁高飛向紫煙金丹欲成猶百

鍊玉酒新熟幾千年妾家邯鄲念類聚輕薄時逢類聚仙

童一丸藥自悲行處綠苔生何悟啼前篇多紅粉落莫

輕少年類聚狎春風羅襪也知類聚步河宮雲車欲駕

應相前篇待羽衣未去幸須前篇同不學蕭史還樓上

會逐前篇姮娥戲月中

此卷英華二百五十六卷與此卷皆重出前已削去

其江惣姬人怨二詩本集及藝文類聚共是一篇今

題目既有增減當以英華為二首

閨怨篇

前人

寂寂青樓大道邊紛紛白雪綺窓前池上鴛鴦不獨自帳

中蘇合還空然屏風有意障明月燈火無情照獨眠遼西

水凍春應少薊北鴻來路幾千願君關山及早度念妾桃

李片時妍

後庭怨

王諲

君不見紅閨少女端正時夭夭桃李仙容姿幸得君王憐

巧笑披香殿裏薦蛾眉雙雙入共進常恐妾身從此

擯甄妃一作為妬出層宮班女因猜下長信長信宮門閉不

開昭陽歌吹風送來夢中魂魄猶言是覺後精神尚未迴

念君嬌愛無終始使妾長啼後庭一作裏獨立每看斜日盡

一坐直至孤燈死秋日聞蟲翡翠簾春晴照面鴛鴦水紅

顏舊來花不勝白髮如今雪相似傳聞紈扇思一作未歇

預想蛾眉上初月如君貴偽不貴真還同棄逐新人借問

南山松葉意何如北砌槿花新



棄婦詞

顧況

古人雖棄婦棄婦有歸處今日妾辭君辭君欲何去本家  
 零落盡慟哭來時路憶昔未嫁君聞君甚周旋及與同一作  
 結髮值君適幽燕孤魂託飛鳥兩眼如流泉流泉咽不燥  
 萬里關山道及至見君歸君歸妾已老物情棄衰賤新寵  
 方妍好拭淚出故房傷心劇秋草妾以憔悴捐一作羞將  
 舊一作物還餘生欲有寄誰肯相留連空床對虛牖不覺  
 塵埃厚寒水落芙蓉秋風墮一作揚柳記得初嫁君小姑

始扶床今日君棄妾小姑如妾長迴頭語小姑莫嫁似兄

夫右棄婦辭李白集中亦有之比顧况甚詳未知竟誰

作今注于後古來有棄婦棄婦有婦處今日妾辭君

辭君遣何去本家零落盡慟哭來時路十五許未嫁君

聞君却惆旋綺羅錦繡段有贈黃金十川家思君

歡喜孤妾所長自憐幽閨多怨思離君無十年相思君

循環枕席生淚泉流泉烟不燥獨夢關山道及此見

君歸君歸妾已老物華慙衰賤新寵方妍好掩淚出

曉房傷心劇秋草自妾為君妻君東妾在西羅幃到

瑁孤猶美鴛鴦偶歲華逐霜霰賤妾何能久寒沼落笑

寄誰肯相攀牽君思既斷絕相見何年物還餘生欲何

杯虛作同心結女蘿附青松貴欲相依授浮萍連理

水數姑終倚床今日妾辭君小姑如妾長迴頭語小

若小姑終倚床今日妾辭君小姑如妾長迴頭語小

如姑莫嫁夫

苦婦辭

劉言史

地遠易驕崇用刑匪精研哀哉苦婦身夫死百殃纏草草

催出門衣墮髮披肩獨隨軍吏行當夕余一作途欲遷來時已

獸生一作到此自不全臨江臥黃砂二子死在邊氣噦不發

聲皆頭血涓涓有時強為言祗是尤青天藁葬無一枝冷

氣兩懸懸荒夷教早骨肉病棄捐况非本族姻肌露誰為

憐事痛感行賓住得貪程船必當負嚴法豈有胎孕篇遊

畋復釋麀羔免尚免鷓何處擯逐深一罪三見顛校尉勳



望崇幕府才且賢  
蘭裙間珠履  
食玉處花筵  
但勿輕所暗  
莫慮無人焉

雜珠篇

喬知之

石家金谷重新聲  
明珠十一作斛買娉婷  
此一作日可憐君自許  
此時可喜得人情  
君家閨閣未曾難  
常將歌舞借人看  
意氣雄豪非自許  
一作嬌矜一作奢  
勢力橫相干  
辭君去去終未忍  
徒勞掩袂傷鉛粉  
百年離別在高樓  
一代紅顏為君盡

飛鷺篇

王翰

孝成皇帝為嬌奢  
行幸平陽公主家  
可憐女兒三五許  
一作五年三丰茸惜借一作是一園  
花歌舞來時由不貴  
一旦逢君感君意  
君心見賞不見忘  
姝妹雙飛入紫房  
采女不得見專榮  
固寵昭陽殿  
紅粧寶鏡珊瑚臺  
青鎖銀黃雲母扇  
日夕風傳歌舞聲  
只擾長信憂人情  
長憂人氣欲絕  
君王歌

吹終不歇朝弄瓊  
簫下絳雲夜踏金梯  
上明月月下薄蝕陽  
精昏嬌妬傾人惑  
至尊已見白虹橫  
紫極復聞飛燕啄  
王孫王孫漢書作皇孫不死鷺  
啄折女第一朝如犬  
絕明明天子咸戒之  
赫赫宗周褒姒滅  
古來賢聖歎狐裘  
一國荒淫萬國羞  
安得尚方斷馬劍  
斬取木門公子頭

春女歌

郭茂倩樂府作春女行

前人

紫臺穹跨連綠波  
紅軒鈴匝垂織羅  
中有一人一作名金作面  
隔幌玲瓏遙可見  
忽聞黃鳥鳴且悲  
鏡邊含笑着春衣  
羅袖嬋娟似無力行  
拾落花比容色  
落花一度無再春  
人生作樂須及辰  
君不見楚王臺上紅顏子  
今日皆成狐兔塵

靜女歌

張南容

靜女樂於靜  
動合古人則  
妙年工詩書  
弱歲勤組織  
端居愁若癡一作愁癡禮又作似愁癡誰復理容色  
十五坐幽閨  
四隣不相識



夭夭隣家子百花一作家裝首飾日日淇上遊笑人不踰閩河水自濁濟自清仙臺蛾眉秦鏡明為照齊王門下醜何如漢帝掌中輕

情人玉清歌

前人郭茂倩樂府作畢耀

洛陽城中有一人名玉清可憐玉清如其名善踏斜柯能獨立嬋娟花艷無人及珠為裙玉為纓臨春風吹玉笙悠悠悠蒲天星黃樂府作萬金閣上晚粧成雲和曲中為曼一作聲王梯不得踏搖袂兩盈城頭之日復何情

盧姬篇

崔顥

盧姬少年魏王家綠鬢紅脣桃李花魏王綺樓十二重水精簾箔繡芙蓉白玉攔竿金作柱樓上朝朝學歌舞前堂後堂羅袖人南牕北牖花發春翠幌珠簾闔絲管一奏一彈雲欲斷君王日晚下朝歸鳴環珮玉生光輝人生今日

得嬌貴誰道盧姬身細微

葦草春并序

顧況

隴西李迅者別宅監奴為刺史配嫁監奴投井而死因作

葦草春麗情集作隴西李迅者配馬既歸而不合監奴投井

而死因作葦草春詩以悲之

葦草春香容與江南艷歌京一作涼西舞執心輕子都信節冠

秋胡議以腰支嫁時論自有夫蟬鬢蛾眉明一作洞井底燕裙

一作趙袂又作越帶紫轆轤李生聞之淚如綆不忍迴頭看此

井月中掛樹落一枝池上鷓鴣啖孤影露桃穠李自一作日成

蹊溪一作流水終天不向西翠帳綠窻寒寂寂錦茵羅薦夜淒

淒葦草春丹井遠別後相思意深淺

鄭櫻桃歌

李頎見郭茂倩樂府

石季龍僭天祿檀雄豪美人姓鄭名櫻桃櫻桃美顏香且



澤娥娥侍寢專宮掖後庭卷衣三萬人翠眉清鏡不得親  
官軍女騎一千足繁花照耀漳河春織成花映紅綸巾載記  
李龍以女騎一千為函簿皆著紫綸中五文織成鞞紅旗掣曳函簿新鳴鞞走馬接  
飛鳥銅欵琴瑟隨去塵鳳陽重門如意館百尺金梯倚銀  
漢自言富貴不可量女為公主男為王赤花雙葦珊瑚床  
盤龍斗帳琥珀光淫昏偽位神所惡滅石者陵終不娛鄴  
城蒼蒼白露微世事翻覆黃雲飛

絕纓歌

前人

楚王晏客章華臺章華美人善歌舞玉顏艷艷空相向蒲  
堂目逆不得語紅燭滅芳酒闌羅衣半醉春夜寒絕纓解  
帶一為歡君王捨一作赦過不之罪暗中珠翠鳴珊瑚始愛賢  
不愛色青蛾買死誰能識果却三軍全社稷

李夫人

李賀

紫皇宮殿重重開夫人飛入瓊瑤臺綠香繡帳何時歇青  
雲無光宮水咽翮聯桂花逐一作墜秋月孤鸞曉集作啼商  
絃集作空集作壁闌珊懸珮璫歌臺小妓遙相望玉蟾  
滴水鷄人唱露華蘭葉參差光

許公子鄭姬歌

鄭園中請賀作

前人

許史世家外親貴宮錦千端買沉醉銅駝酒熟烘明膠古  
堤大柳烟中翠桂開客一作精花名鄭袖入洛聞香鼎門口  
光將為藥獻粧臺復醉集作黃金大如斗莫愁簾中許一作  
合歡清絃十五為君彈聲咽春弄君骨骨興牽人上馬鞍  
兩馬八蹄踏蘭苑情如合竹誰能見夜光玉枕棲鳳凰裕  
羅當門刺純綫長翻一作蜀紙卷明君轉角含商破碧雲自  
從小靨來東道曲裏長眉少見人相如塚上生秋栢三秦  
誰是言情客蛾眉一作鬢醉眼拜諸宗為謁皇孫請曹植



長恨歌

白居易

漢皇重色思傾國，御寓多年求不得。楊家有女初長成，養  
 在深閨人未識。天生麗質難自棄，一朝選在君王側。迴眸  
 一笑百媚生，六宮粉黛無顏色。春寒賜浴華清池，溫泉水  
 滑洗凝脂。侍兒扶起嬌無力，始是新承恩澤時。雲鬢花冠  
 顏集作金步搖，芙蓉帳裏暖一作暖度春宵。春宵苦短日高起，從此  
 君王不早朝。承歡侍寢一作宴無容一作閑，暇春從春遊。夜專  
 夜漢一作後宮佳麗三千人，三千寵愛在一身。金屋粧成嬌侍  
 夜，玉樓宴罷醉和春。嬾妹弟兄皆列土，可憐光彩生門戶。  
 遂令天下父母心，不重生男重生女。驪宮高處入青雲，仙  
 樂風飄處處聞。緩歌慢舞凝絲竹，盡日君王聽集作看不足。  
 漁陽鞞鼓動地來，驚破霓裳羽衣曲。九重城闕煙塵生，千  
 乘萬騎西南行。翠華搖搖行復止，西出都門百餘里。六軍

不發知一作無柰何。宛轉蛾眉馬前死，花鈿委地無人收。翠翹  
 金雀玉搔頭，君王掩面救不得。迴看血淚相和流。黃埃散  
 漫風蕭索，雲棧縈迴登劍閣。蛾眉山上川文粹作下少行人，旌旗  
 無光日色薄。蜀江水碧蜀山青，聖主朝朝暮暮情。行宮見  
 月傷心色，夜雨聞鈴腸斷聲。天旋日轉迴龍馭，到此躊躇  
 不能去。馬嵬坡下塵一作泥土中不見玉顏空，死處君臣相顧  
 盡沾衣。東望都門信馬歸，歸來池苑皆依舊。太液芙蓉未  
 央柳，芙蓉如面柳如眉。對此如何不淚垂。春風桃李花開  
 日一作夜，秋雨梧桐葉落時。西宮南內一作苑多秋草，落集作葉滿  
 階紅。不掃梨園弟子白髮新，椒房阿監青娥老。夕殿螢飛  
 思悄悄，秋一作孤燈挑盡未成眠。遙遙鐘漏初長夜，耿耿星河  
 欲曙天。鴛鴦瓦冷霜華重，舊枕故衾集作誰與共悠悠。生  
 死別經年，魂魄不曾來入夢。臨邛方道一作士鴻都客能



以精誠致魂魄為感君王展轉思一作思遂教方士慤慤覓

排空集作雲馭氣奔如電昇天入地求之遍上窮碧落下黃

泉兩處茫茫皆不見忽聞海上有仙山山在虛無縹渺間

樓殿一作閣玲瓏五雲起其間綽約多仙子中有一人名玉妃

川文粹作字玉真一作字太真雪膚花貌參差是金闕兩集作西廂叩玉荷轉教

小玉報雙成聞道漢家天子使九華帳下夢中一作魂驚攬衣

推枕起徘徊珠箔銀鈎一作屏迤邐開雲髻半偏新睡覺花冠

不整下堂來風吹仙袂飄飄一作飄舉猶似霓裳羽衣舞玉容

寂寞淡闌干梨花一枝春帶雨含情凝睇謝君王一別音

容兩渺茫昭陽殿裏恩愛絕蓬萊宮中日月長迴頭下問集作

望人寰處不見長安見塵霧空持一作唯舊物表深情鈿合金

釵寄將去釵留一股合一扇釵擘黃金合分鈿但教一作令

心似金鈿堅天上人間會相見臨別殷勤重寄詞詞中有

誓兩心知七月七日長生殿夜半一作半無人私語時在天

願為一作作比翼鳥在地願為連理枝天長地久有時盡此

恨綿綿無盡集作絕期

文苑英華卷第三百四十六

登仕郎胡柯 鄉貢進士彭叔夏 校正

文苑英華卷第三百四十七

歌行十七

服用

鏡五首

劍六首

刀子三首

屏二首

枕二首

靈臺家兄古鏡歌

薛逢

一尺圓潭深墨色篆文如絲人不識耕夫玄住赫連城赫  
連城下親耕得鏡上磨瑩一月餘日中漸見菱花舒金膏  
洗拭銚澁盡黑雲吐出新蟾蜍人言此是千年物百鬼聞  
之形暗慄玉匣曾經龍照來豈宜更鑿農夫質有時霹靂  
半夜驚窓中飛電如晦明盤龍鱗脹玉匣溢牙爪觸風時  
有聲耕夫不解珍靈異翻懼赫連神作崇十千賣與靈臺  
兄百丈靈湫生中至溢匣水色如欲傾兒童不敢窺泓澄



寒光照人近不得坐愁雷電湫中生吾兄吾兄須愛惜將來慎勿虛拋擲興雲致雨會有時莫遣紅粧穢靈跡

百鍊鏡

白居易

百鍊鏡

一本疊此三字

鎔範非常規日辰置處靈且奇

集作處所靈且祇非

江

心波上舟中鑄五月五日日午時瓊粉金膏磨瑩已化為一片秋潭水鏡成將獻蓬萊宮揚州長史手自封人間臣妾不敢照背有九五飛天龍人人呼為天子鏡我有一言聞太宗太宗常以人為鏡鑒集作覽古鑒今不鑒容四海安危居掌內百王理亂懸心中乃知天子別有鏡不是揚州百鍊銅

摩鏡篇

劉禹錫

流塵翳明鏡歲久看如漆門前負局生為我一摩拂萍開綠池滿暈盡金波溢白日照空心圓光走幽室山神妖氣沮野獸集作魅真形出却思未摩時瓦礫來唐突

昏鏡詞

并序一作引

前人

鏡之工列十鏡于賈奩發奩而視其一皎如其九霧如或曰良苦之不侔甚矣工解頤謝曰非不能盡良也蓋賈之意唯售是念今夫來市者必歷鑒集作覽周睠求與已宜彼皎者不能隱芒秒之瑕非美容不合是用什一其數也余感之作昏鏡詞詞曰昏鏡非美金漠然喪其晶陋多自欺謂若他鏡明瑕疵既不見妍態隨意生一日四五照自言美傾城飾帶以紋繡裝匣以瓊瑛秦宮豈不重非適乃為輕

古鏡篇

陳陶 一作濤

紫皇玉鏡蟾蜍字墮地千年光不死發匣身沉古井寒懸臺日照愁成水海戶山窻幾梳縮菱花開落何人見野老曾耕疑太白星神狐夜哭秋天片下國青銅旋磨滅迴鸞萬



影成枯骨會待搏風雨沈寥長恐莓苔蝕明月

寶劍篇

李嶠

吳山開越溪涸三金合冶成寶鐔淬綠水鑿紅雲五采燄  
起光氛盪背上銘為萬年字曾中點作七星文龜甲參差  
白地色輓轡宛轉黃金飾文犀中斷寧方利駿馬群駢未  
擬直風霜凜凜匣上清精氣遙遙斗間明避災朝穿晉帝  
屋逃亂夜入楚王城一朝運偶逢大僊虎吼龍鳴騰上天  
東谷顯昇紫微座西王佩下赤城田承平久息干戈事僥  
倖得充文武備除災辟患宜君王益壽延齡後天地

古劍歌

郭元振

君不見昆吾鐵冶飛炎煙紅光紫氣俱赫良工鍛然鍊經  
文粹幾年鑄得寶劍名龍泉龍泉顏色如霜雪良工咨嗟  
歎竒絕瑠璃玉匣吐蓮花錯鏤金環生明月正逢天下無

風塵幸得用防君子身精光黯黯青蛇色文章片片綠龜  
鱗非直結交游俠子亦嘗文粹曾親近英雄人何言中路遭  
弃捐零落漂淪古獄邊雖復沉埋無所用猶能夜夜氣  
衝天

仗劍行

萬齊融

昨夜星宮動紫微今年天子用武威登車一呼風雷動遙  
震陰山撼巍巍胡驕子當見旄頭蝕應死願騎單馬仗天  
威按取長繩縛虜歸仗劍遙叱路傍子匈奴頭血濺君衣

春坊正字劍子歌

李賀

先輩匣中三尺水曾入吳江集作潭斬龍子隙月斜明刮露  
寒練帶平鋪吹不起蛟螭老皮集作蛟胎皮老蒺藜刺鷓鴣淬花  
白鷗尾真集作直是荆軻一片心莫教一作分明照見春坊字按  
絲團金懸麗艱神光欲截藍田玉提出西方白帝驚嗷嗷



鬼姥

集作母

秋郊哭

鷓九劍

白居易

歐冶子死千年後精靈暗授張鷓九鷓九鑄劍吳山中天  
 與日時神借功金鐵騰光集作精火翻焰踊躍求為莫耶劍  
 劍成未試十餘年有客持金買一觀誰知閉匣長思用三  
 尺青蛇不肯蟠客有心兮劍無口客代劍言報集作告鷓九  
 君勿矜我玉可切君勿誇我鍾可刺不如持我決浮雲無  
 令漫漫蔽白日為君使無私之光及萬物螫蟲昭蘇萌  
 芽出

古劍行

韋應物

千年土中兩刃鐵土蝕不入金星滅沉沉青脊鱗甲滿蛟  
 龍無足蛇尾斷忽欲動時中有靈豪士得之敵國寶仇家  
 有集作舉意半夜鳴小兒女子不敢集作可近龍蛇變化此中

隱夏雲奔走雷闐闐恐成霹靂飛上天

難縮刀子歌

盧綸

黃金鞘裏青蘆葉麗若剪成鈿且捷集作翼輕冰薄玉狀不分  
 一赤寒光堪決雲吹毛可試不可觸似有蟲搜缺裂文淬  
 之幾墜前池水焉知不是蛟龍子割雞刺虎皆若空願應  
 君心逐君指并州難縮竟何人每成此物如有神

割飛二刀子歌

前人

我家有剪刀人亡鬼國鐵裁羅裁綺無鈍時用來三年一  
 股折南中匠人淳用鋼再令盤屈隨手傷改鍛割飛二刀  
 子色迎霽雪鋒含霜兩條神物秋水薄刃淬初蟾鞘金稍  
 越戟吳鉤不足誇斬犀切玉應懷怍日試曾磨漢水邊掌  
 中佶慄聲冷然神驚鬼悸却收得刃頭已吐微微煙刀乎  
 刀乎何燁燁魑魅須藏恠須懾若非良工變爾形只向裁



縫委箱篋

寇季膺古刀歌

韋應物

古刀寒鋒青撼撼少年結交平陵客求之時一作年代不可知  
 千痕萬穴如星離重疊泥沙更剝落縱橫鱗甲相參差古  
 物有靈知所適貂裘拂之橫廣席陰森白日掩雲虹錯落  
 地光動金碧知君寶此誇絕代求之不得心常愛馱見今  
 時繞指柔片鋒折刃猶堪佩高山成谷滄海填英豪埋  
 沒誰所捐吳鉤斷馬不知處幾度煙塵今獨全夜光投入  
 人不畏知君獨識精靈器酬恩結思心自知死生好惡不  
 相弃白虎司秋金氣清高天寥落雲崢嶸月肅風淒古堂  
 淨精芒切切如有聲何不跨蓬萊斬長鯨世人所好殊遼  
 闊千金買鉛徒一割

素屏詠

白居易

素屏素屏孰為乎不文不飾不丹不青當世豈無李陽冰  
 之篆文張旭之筆跡邊鸞之花鳥張藻之松石吾不令加  
 一點一畫於其上欲爾保真而全白吾於香爐峯下置草  
 堂二屏倚在東西牆夜如明月入我室曉如白雲圍我牀  
 我心久養浩然氣亦欲與汝表裏相輝光爾不見當今侯  
 家主三字集作甲第與王宮織成步障銀屏風綴珠陷鈿帖雲母  
 五金七寶相玲瓏貴豪待此方悅目晏然寢臥乎其中素  
 屏素屏物各有所宜用各有所施爾今木為骨竹為面  
 捨吾草堂欲何之

屏風曲

李賀

蝶棲石竹銀交關水凝鴨綠瑠璃錢周迴六曲抱銀蘭集作膏  
 解集作將鑲鏡上擲金蟬沉香集作火水暖茱萸煙酒餘集作鮓  
 縮帶新承歡月風吹露屏外寒城上烏啼楚女眠



花石長枕歌答章居士

釋皎然

楚山有石郢人琢琢成長枕知是玉全疑冰片睡恐銷間  
發花叢驚不足贈予比之金琅玕瓊花爛爛浮席端吾師  
遣吾不執寶今日感君因執看試叩鏗然應清律纖塵不  
留蠅敢拂萬物皆因造化資如何獨負清貞質南山有雲  
鶴在空長松為我生涼風高支飽詠樂其中行住四儀皆  
道意不覺小乘西竺一曲作士唯將此物安坐隅取次閑眠  
有禪味

挑花石枕歌贈康疑從事

前人

卞山幽石產竒璞荆人至死採不着何人琢枕持贈君片  
片挑花開未落劔工見兮可為劔玉工辨兮知非石至寶由  
來鑒者稀今君獨鑒應欲惜何辭售與疑常疑天真幸得提  
携親玉人河中弃置君不顧天生秀色徒璘玢四座喧喧  
爭目悅巧過造化稱一絕莫言昨日因錯磨看取從來無  
玷缺六月江南暑未闌一尺花冰試枕看高窻正午風颯  
變室中不減春天寒主人所重重枕德文章外飾徒相惑  
更有堅貞不易心與君天下為士則

文苑英華卷第三百四十七

登仕郎胡

柯

鄉貢進士彭

叔夏

校正

文苑英華卷第三百四十八

歌行十八

博戲

碁三首

長行二首

打毬二首

競渡二首

險竿二首

西涼伎一首

雜歌上

汾陰行一首

疇昔篇一首

江南遇天寶樂叟一首

彈碁歌

常應物

圓天方地局二十四氣子劉生絕藝難對曹客為歌其能

請從中央起中央轉闕頰集作欲闌零落勢背誰敢集作

彈此中舉一得六七旋風忽散霹靂疾履機乘變安可當

置之死地翻取強不見短兵反掌收已盡唯有猛士守四



方四方又何難橫擊且緣

知集作如昆明與碣石一箭

飛中隔遠天神安志愜動十全滿堂驚視誰得一作然

觀碁歌送儂師西遊

劉禹錫

長沙男子東林師閑讀藝經工弈碁有時凝思如入定暗  
覆一局誰能知今年訪余來小桂方袍袖中貯新勢山城  
無事秋日長白晝懵懵眠一作眼在匠床因君臨局看鬪智不  
覺遲景沉西牆自從仙集作山人遇樵子直到開元王長史前  
身後身付餘習百變千化無窮一作看已初疑磊落曙天星次  
見搏擊三秋兵鴈行布陣衆未曉虎穴得子人皆驚行盡  
三湘不逢敵終日饒人拍機格自言臺閣有知音悠然遠起  
西遊心商山夏木陰寂寂好處徘徊駐飛錫忽思爭道  
畫平沙獨笑無言心有適藹藹京城在九天貴遊豪士足  
華筵此時一行出人意賭取聲名不要錢

彈碁歌

李頎

崔侯能一作善彈碁巧妙盡於此藍田美石滑如砥白黑相分  
十二子聯翩百中皆造微魏文手巾不足比緣邊度隴未  
可嘉鳥跂星懸危復斜迴風轉指速飛電拂取五四如旋  
花座上齊聲稱絕藝仙人六博何曾繼一別恒山道路遙  
爲余更作三兩勢

薛卿教長行歌

時景移湖州別駕

釋皎然

桂陽仙柳道家說昔傳蘇君今是薛聊將握槊偶時人却  
一作便被人間稱冠絕黃楊文局龜蟠琢成頭子雙琅玕初疑  
月破雲中墮復惟星移指下攢誰識兵奇勢可保坐看  
將軍占一道長行有將軍梁有時教王去聲非所希笑擊單于出重  
圍鳥驚隼擊疾若飛左顧右眇生光輝家本聯姻漢戚里  
身是長安貴公子名高藝絕何翩翩幾迴決勝君王前屢



一作 遊長樂與祈年人望青雲白日邊謫官江南歲陰  
晚還將此道聊自遣由來君子行最長長行經有君子行小人行予亦知  
君子寄遠一作寄遠

廢長行箋云辨其惑於無益之戲而不務卹民也 趙搏

紫牙鏤合方如斗二十四星街月口貴人迷此華筵中運  
木手交如陣鬪不筭勞神運枯木且廢爲官卹惇獨門前  
有吏嚇孤窮欲訴門深抱冤哭耳厭人催坐衙早纔聞此  
戲身先到理人似愛長行心天下安平多草草何當化局  
爲明鏡挂在高臺辨邪正何當化子作筆鋒常在手中行  
法令莫令終日迷如此不治生民負天子

打毬篇并序 蔡孚

臣謹按打毬者往之蹴鞠古戲也黃帝所作兵勢以練武  
士知有材也竊美其事謹奏打毬篇一章凡七言九韻

德陽宮北苑東頭雲作高臺月作樓金龜玉瑩千金地寶  
杖瑀文七寶毬寶融一家三尚主梁冀頻封萬戶侯容色  
由來荷恩顧意氣平生事俠遊共道用兵如斷蔗俱能走  
馬入長揪紅氍錦鬣風驥黃絡青絲電紫騮駉奔星亂下  
花場裏初月飛來畫杖頭自有長鳴須決勝能馳迅足滿  
先籌薄暮漢宮愉樂罷還歸堯室曉垂旒

酬韓校書愈打毬歌 張建封

僕本修文持筆者今來帥領紅旌下不能無事習蛇矛閑  
就平場學使馬軍中伎養驍智材競馳駿逸隨我來護軍  
對引相向去一作風呼月旋朋先開俯身仰擊復傍擊難於  
古人左右射齊觀百步透短門誰羨養由遙破的儒生疑  
我新發狂武夫愛我生雄光杖移鬚底拂尾後星從月下  
流中場人一本疊不約心自一馬一本疊不鞭蹄自疾凡



情莫辨捷中能拙目翻驚巧時失韓生訝我爲斯藝勸我  
徐驅作安計不知戎事意集作竟何成且媿吾人言一惠

競渡歌

五月五日天晴明揚花繞江啼曉鷺使君未出郡齊外江  
上早聞齊和聲使君出時皆有準馬前已被紅旗引兩岸  
羅衣破鼻香銀釵照日如霜刃鼓聲三下紅旗開兩龍躍  
出浮水掉影幹波飛萬劍鼓聲劈浪鳴千雷鼓聲來漸急  
標將近兩龍望標目如瞬波上人呼霹靂驚竿頭絲掛虹  
蜺暈前船搶水已得標後船失勢空揮撓瘡眉血首爭不  
定輸岸一朋心似燒只將輸贏賞兩岸十舟五來往須臾  
戲罷各東西競脫文身請書上吾今細觀競渡兒何殊當  
路權相持不思得所各休去會到摧舟折楫時

競渡曲

競渡始武陵至今舉楫而相和之音咸呼何在斯招屈之義事見圖經

劉禹錫

沅江五月平提流邑人相將浮絲舟靈均何年歌已矣載  
謠振楫從此起揚桴集作擊節雷闐闐亂流齊進聲轟然  
蛟龍得雨鬚鬣動蟠螭飲河形影聯刺史臨流展一作翠幃  
揭竿命爵分雄雌先鳴餘勇爭鼓舞未至街枚顏色沮百  
勝本自有前期一飛由來無定所風俗如狂重此時縱觀  
雲委江之湄絲旂夾岸照鮫室羅鞞陵波呈水嬉曲終人  
散空愁暮招屈亭前水東注

險竿歌

顧況

宛陵女兒擘飛手長竿橫空上下走已能輕險若平地豈  
肯身爲一家婦宛陵將士天下雄一下定却長梢弓翻身  
挂影恣騰蹋反縮頭髻盤旋風盤旋風撇飛鳥驚遠遶樹  
枝裏頭上打鼓不聞時手蹉脚踏蜘蛛絲忽雷掣斷流星  
尾臞腩劃破蚩尤旗若不隨仙作仙女即應嫁賊生賊兒



中丞方略通變化外戶不扃從女嫁

險竿行

柳曾

山險驚摧輶水險能覆舟奈何平地不肯立走上百尺高  
竿頭我不知爾是人耶復徕耶使我為爾長歎嗟我聞孝  
子不許國忠臣不愛家爾今輕命重黃金忠孝兩虧徒爾  
誇始以險技悅君目終以貪心媚君祿百尺高竿百度緣  
一足參差一家哭險竿親聽我語更有險徒險於汝重於  
權者失君恩落向天涯海邊去險竿兒爾須知險途欲往  
爾可思上得不下得上一作不得我謂此輩險於險竿兒

西涼伎

白居易

西涼伎西涼伎假面胡人假獅子刻木為頭絲作尾金鑲  
眼睛銀貼齒奮迅毛衣擺雙耳如從流沙來萬里紫髯深  
目羌集作兩胡兒鼓舞跳梁前致詞道是涼州未陷日安西都

護進來時須臾亡得新消息安西路絕歸不得泣向獅子

雙涕集作雙垂涼州陷沒知不知獅子迴頭向西望哀吼一

聲觀者悲貞元邊將愛此曲醉坐笑看一作教歌看不足娛集作享

賓犒士宴監軍獅子胡兒長在日有老集作一征夫年七十見弄

涼州低面泣泣罷斂手白將軍主憂臣辱昔所聞自從天

寶兵戈起犬戎日夜吞西鄙涼州陷來四十年河隴侵將

七千里平時安西萬里疆今日邊防在鳳翔平時開遠門外立候去安

萬卒飽食厚集作温衣閑過日遺民腸斷在涼州將卒相看

無意收天子每思長痛惜將軍欲說合慙羞奈何仍看涼

州集作西涼伎取笑資歡無所愧縱無智力未能收忍取西涼

弄為戲



汾陰行

李嶠

君不見昔日西京全盛時  
 汾陰后土親祭祠  
 齋宮宿寢設儲一作厨供  
 撞鍾鳴鼓樹羽旗  
 漢家四葉才且雄  
 賓延萬靈服九戎  
 栢梁賦詩高宴罷  
 詔書法駕幸河東  
 河東太守親掃除  
 奉迎至尊導鑾輿  
 五營夾道一作將校列容衛  
 三河縱觀空里閣  
 迴旌駐驛降靈場  
 懷椒奠桂一作焚香邀百祥  
 金鼎發色一作食非正焜煌  
 靈祇睴睴擗一作睴景光埋玉陳牲禮  
 神畢舉麾上馬乘輿出  
 彼汾之曲嘉可遊  
 木蘭為檝挂為舟  
 掉歌微吟綵鷁浮  
 簫鼓哀鳴白雲秋  
 歡娛宴賜洽羣后  
 家賜一作家復除戶牛頭酒聲鳴一作明動天樂  
 無有千秋萬歲南山壽  
 自從天子向秦關  
 玉輦金車不復還  
 珠簾羽帳長寂寞  
 鼎湖龍騎何處一作寄攀千年一作齡人事一朝空  
 四海為家此路窮  
 雄豪意氣今何在  
 壇場宮觀一作館盡蒿蓬  
 道邊故一作逢路老長歎  
 息世事回環不可識一作測昔時青樓對歌舞  
 今日黃埃聚荆棘  
 山川滿目淚霑衣  
 富貴榮華能幾時  
 不見即一作只分汾水上  
 唯有年年秋鴈飛  
 一作皆文粹

疇昔篇

駱賓王

少年重英俠  
 弱歲踐衣冠  
 既託寰中貴  
 方承膝下歡  
 遨遊灞水一作陵曲  
 風月洛陽端  
 且知無玉饌  
 誰肯逐金丸  
 玉饌盛一作信繁華  
 自言輕侮季  
 倫家五霸爭馳  
 千里馬三條  
 競驚七香車  
 掩映飛軒乘落一作夜照  
 參差步障列  
 朝霞池中舊水  
 涵明月一作懸鏡  
 屋裏新粧不  
 讓花意氣風雲  
 條如昨歲去年  
 來一作集月一作春秋  
 屢迴薄上苑  
 頻經柳絮飛  
 中園幾見一作去聲  
 梅花落當時  
 門客今何在  
 疇昔交朋一作遊已踈索  
 不見顯穎損容  
 儀會在一作得高秋  
 雲霧廓淹留  
 坐帝鄉無事度一作積炎涼  
 一朝披短褐  
 六載賦長楊一作長廊賦文慙昔



馬執戟歎暮集作前揚揮戈出武帳荷筆入文昌文昌隱隱

皇城裏由來弈弈多才子潘陸詞鋒駱驛飛曹張集作張曹翰

苑縱橫起卿相未曾識王侯寧見擬垂釣甘成白首翁負

薪何處逢知己二句集作徒勞倦判一作將運命賦窮通從來奇

命一作舛任西東不應豈一作永弃同芻狗且復飄飄類轉蓬

客集作鬢年年異春華歲歲同榮親未盡禮徇主欲申功

脂車秣馬辭鄉集作國策集作轡西南吏印襲玉壘銅

梁不易攀地角天涯渺難測鴛鴦蟬鳴集作有悲望鴻來

鴈度無音息陽關積霧萬里昏劔閣連山千種色蜀路何

悠悠岷峯阻且脩迴腸隨九折迸淚下雙流寒光一作千

里暮露氣二江秋長途看策一作馬平水見沉牛華陽舊地

標神制石鏡峨眉偏集作秀麗諸葛才雄已號龍公孫躍

馬輕稱帝五丁卓犖多奇力四士蜀都賦士江漢兩靈世載其英蔚若相如鱗若

君平王褒辭辭而秀發揚雄含章而挺生四士英靈富集作文

藝雲氣橫開八陣形橋影遙分七星勢川平煙霧開遊戲

錦城隈牆高龜步轉集作水靜鴈文迴尋姝入酒肆訪客

琴臺不識金貂重偏惜玉山頽他鄉荏苒銷年月帝里悠

悠限集作城闕不見猿聲助客啼唯聞旅思將花發我家迢

遞關山裏關山迢遞不可越故園梅柳尚餘香集作來時

勿使芳菲歇解鞅集作欲言歸執袂愴多違北梁俱握

手南浦共沾衣別情傷去蓋離念惜徂集作暉知音何所

託木鴈薦集作南飛望平陸春來酒應熟相將菌閣臥

集作清溪且用藤杯泛黃菊十年不達集作為貧賤百日

屢遷隨倚伏抵為須求負郭田使我再干州縣集作祿百

年鬱鬱少騰遷萬里遙遙集作入鏡川吳江沸潮衝白

日淮海長波接遠天叢竹疑朝露孤山起暝煙賴有邊



城月來

常集作

傍客旌懸東南美箭稱吳會名都隱軫三江

外塗山執玉應昌朝

集作

曲水開襟重文會仙鑄流音鳴

鶴嶺寶劍分暉若蛟瀨未看白馬對蘆芻且覺浮雲似車

蓋江南節序多文酒屢經過莫集作踏春江曲但集作唱

採菱歌舟移疑入鏡掉舉若乘波風光無限數集作歸檝

礙池荷眺聽煙霞正流眄即從王事歸鱸轉芝田花月集作

屢徘徊金谷佳期集作重遊行登高北望集作嗤梁叟憑

軼西征想潘掾峯開華岳聳疑蓮水激龍門急如箭人事

謝光陰俄遭霜露侵偷存七尺影分沒九泉深窮途行泣

玉憤路未藏金茹茶空集作有歎懷橘獨傷心年來歲去

成銷鑠懷抱心期漸寥落挂冠裂冕已辭榮南畝東臯事

耕鑿賓階客院常踈散蓬徑柴扉終寂寞自有林泉堪隱

栖何必山中事丘壑我住青門外家臨素滻濱遙瞻丹鳳

闕斜望黑龍津荒衢通獵騎窮巷抵樵輪時有桃源客來

訪竹林人昨夜琴聲奏悲調旭旦含嘖不言集作笑果乘

驄馬發囂書復道郎官稟綸詔集作治長非罪曾縲繼長孺

然灰也經溺于集作門有閱不圖封峻筆無聞欲敷妙適

離京兆謗還從御史集作彈炎威分集作夏景平曲況秋

翰畫地終難入書空自不安吹毛猶集作可待搖尾且求

食丈夫坎壈多愁疾契闊迤邐盡今日慎罰寧憑兩造詞

嚴科直挂三章律鄒衍銜悲繫燕獄李斯抱怨拘秦桎不應

白髮頓成絲直爲黃沙暗如漆紫禁終難叫朱門不可集

易排驚魂聞葉落危魄逐輪靈集作霜威遙有勵雪枉遂

更集作無階含冤欲誰道飲氣獨居懷忽聞驛使發關東傳

道天波萬里通涸鱗去轍還集作遊海幽禽釋網更集作翔

空舜澤堯曦方有極纔言巧佞儻疑無窮誰能跼踏依三輔



會就商山訪四翁

白頭病叟泣且言祿山未亂入梨園能彈琵琶和法曲多在華清隨至尊是時天下太平久年年十月坐朝元千官起居環珮合萬國會同車馬奔金鈿照曜石甕寺蘭麝薰

白居易

賁温湯源貴妃宛轉侍君側體弱不勝珠翠繁冬雪飄颻錦袍暖春風蕩漾霓裳翻歡娛未足燕寇至弓勁馬肥胡語喧幽土人遷避夷狄鼎湖龍去哭軒轅從此飄淪落集作漂淪南土萬人死盡一身存秋風江上浪無限暮雨舟中酒一罇涸魚久失風波勢枯草曾沾雨露恩我自秦來君莫問驪渭水如荒村新豐樹老籠明月長生殿暗鎖黃昏紅葉紛紛蓋歌瓦隸苔重重封懷垣唯有中官作宮使每年寒食一開門文苑英華卷第三百四十八 登仕郎胡村鄉貢進士彭叔夏校正

文苑英華卷第三百四十九

歌行十九

雜歌中

江畔老人怨一首

鐻白曲一首

金銅仙人辭漢歌一首

金井歌一首

聞里謠一首

無可奈何一首

馮燕歌一首

雜歌一首

散人歌一首

刈穫行一首

天威行一首

築城篇一首

江畔老人怨

崔顥

江南年少十八九乘舟欲渡青谿口青谿口邊一老翁鬢眉皓白已衰朽自言家代仕梁陳垂朱拖紫三十人兩朝出將復入相五世疊鼓乘朱輪父兄三葉皆尚主子女四代為妃嬪南山賜田接御苑北宮甲第連紫宸直言榮華



未休歇不覺山崩海將竭兵戈亂入建康城煙火連燒未  
央闕衣冠士子陷鋒刃良將名臣盡埋沒山川改易失市  
朝衢路縱橫填白骨老人此時尚少年脫身走得投海邊  
罷兵歲餘未敢出去鄉三載方來旋蓬蒿忘却五城宅草  
木不識青谿田雖然得歸到鄉土零丁貧賤長辛苦採樵  
屢入歷陽山川稻常過新林浦少年欲知老人歲豈知今  
年一百五君今少壯我已衰老昔少年君不觀人生貴賤  
各有時莫見羸老相輕欺感君相問爲君說說罷不覺令  
人悲

鑷白曲

薛逢

去年鑷白鬢鏡裏猶堪認一作年少今年鑷白鬢兩眼昏  
昏手戰挑疑作滿酌濃酎假顏色顏色不揚翻自笑少年  
曾讀古人書本期獨善安有餘雖蓋長安一片瓦未遑卒

歲容寧居前年依亞成都府月請俸緡六十五妻兒骨肉  
愁欲來偏梁閣道歸得否長安六月塵亘天池塘鼎沸林  
欲燃合家慟哭出門送獨驅疋馬陵山顛到官只是推誠  
信終日兢兢幸無恠丞相知憐爲小心忽然奏佩專城印  
專誠俸入一倍多況兼職祿霜我我山妻稚女悉迎到時  
列綠樽酣酒歌醉來便向樽前倒風月滿頭絲皓皓雖然  
減得闔門憂又加去國五年老知柰何來日少去日多金  
鎚鎚碎黃金鑷更唱樽前老去歌

金銅仙人辭漢歌并序

李賀 見集本

魏明帝青龍元年八月詔宮官牽車西取漢孝武捧露盤  
仙人欲立置前殿宮官既拆盤仙人臨載乃潛然淚下唐  
諸王孫李長吉遂作金銅仙人辭漢歌  
茂陵劉郎秋風客夜聞馬嘶曉無跡畫欄桂樹懸秋香三



十六宮土花碧魏官牽車指千里東關酸風射眸子空將  
漢月出宮門憶君清淚如鉛水衰蘭送客咸陽道天若有  
情天亦老携盤獨出月荒涼渭城已遠波聲小

金井歌

劉商

文明化洽天地清和氣一作和氤氲孕至靈一作瑞雪不散

抱層嶺陽谷霞光射山頂雜草披沙石竇開生金曜日明

金井虞衡相賀爲禘祥畏人採攫持及戕一作疑羊馳馬走

塵滿道郡邸封章聞建章君王儉德先簡易贍國肥家在

仁義山澤藏金與萬人宣言郡邑無專利閭閻少長競奔

奏黃金滿袖家富有驩心蹈舞謠皇風願載謳謠青史中

闔里謠效古歌

李紳

鄉里兒桑麻鬱禾黍肥冬有繼襦夏有絺兄鉏弟耨妻在  
機夜犬不吠開蓬扉鄉里兒醉還飽濁醪初熟勸翁媪一作媪

鳴鳩拂羽知年好齊和揚花踏春草勸少年樂耕桑使君  
爲我剪荆棘使君爲我驅豺狼林中無虎山有麋水底無  
蛟魚有魴父子獵歸白日暮明月處處春黃糧鄉里兒東  
家父老爲爾言鼓腹那知生育恩莫令太守馳朱轡懸鼓  
一鳴慮鵲喧惡聲主吏噪爾門唧唧力力烹雞豚鄉里兒  
莫悲咤上有明王頒詔下重選賢良恤孤寡春日遲遲驅  
五馬留犢投錢以爲謝鄉里兒終爾詞我無却巧惠無私  
舉手一揮臨歧路

無可奈何歌

白居易

無可奈何兮白日走而朱顏頹少日往兮老日催生者不  
住兮死者不回況乎寵辱豐頽之外物又何嘗不一去而  
一來去不可挽兮來不可推無可奈何兮已焉哉惟天長而  
地久前無始而一作文粹後無終嗟吾生之幾何寄瞬息乎



其中又如太倉之稊米委一粒於萬鍾何不與道逍遙委  
化從容縱心放志洩洩融融胡為乎分愛惡於生死繫憂  
喜於窮通倔强其骨髓齟齬其心曾合冰炭以交戰祇自  
苦乎厥躬彼造物者于何不為而此文粹作此與化者云何不隨  
或煦或吹或盛或衰雖千變與萬化委一順以貫之為彼  
何非為此何是誰冥此心夢蝶之子何禍非福何吉非凶  
誰達此觀喪馬之翁俾吾為秋毫之杪吾亦自足不見其  
小俾吾為泰山之阿吾亦無餘不見其多是以達人靜則  
昭然與陰合迹動則浩然與陽同波委順而已孰知其砥  
時耶命耶吾無奈彼何隨文粹作委耶順耶彼亦無奈吾何夫  
兩無奈何然後能冥至順而合大和故吾所以飲大和扣  
至順而為無可奈何之歌

馮燕歌

司空圖

麗情集作沈亞之歌中亦云為感詞人沈下賢長歌更與分明說下賢沈亞之字也

魏中義士有馮燕遊俠幽并最少年避讎偶作滑臺客嘶  
風躍馬來翩翩此時恰遇鶯花月堤上軒車晝不絕兩面  
高樓語笑聲指點行人情暗結擲果潘郎誰不暮朱門別  
見紅粧露故故推門掩不開似教毆軋傳言語馮生敲鐙  
袖籠鞭半拂垂楊半惹煙樹間青鳥知人意的的心期暗  
與傳傳道張鷟偏嗜酒從此春春作春閨為我有梁間客鷺正  
相欺屋上鳴鳩空自鬪嬰歸臥非讎汝豈知負過人懷懼  
燕依戶扇欲潛逃中在枕傍指令取誰令狠戾心能集作難  
忍待我情深情不隱迴身本為集作謂取中難倒柄方知授  
霜刃馮君撫劍即持集作疑疑自顧平生心不欺爾能負彼  
必相負假手他人復在誰窻間紅艷猶可掬熟視花鈿情  
不足唯將大義斷曾襟粉頸初迴集作過如切玉鳳凰釵碎  
各分飛然魄嬌魂何處追集作陵波若喚遊金谷羞被擲榆



淚滿衣新人藏匿舊人起白晝喧呼駭隣里誣執張嬰不  
自明貴免生前遭考捶官將赴市擁紅塵掉臂人來擗看  
人傳聲莫追有寬濫盜殺嬰家即我身初聞僉吏翻憂疑  
集作憂翻疑呵叱風狂詞不變縲囚解縛自猶集作疑疑是夢中  
方集作脫免未死勸君莫浪言臨危不顧始知難已為不平  
能割愛更將身命救深冤白馬賢侯賈相公長懸金帛募  
才雄拜章助讀集作請贖馮燕罪千古三河激義風黃河東注  
無時歇注盡波瀾名不滅為感詞人沈下賢長歌更與分  
明說此君精爽知猶在長與人間留炯誠鑄作金燕香作  
堆焚香酌酒聽歌來

雜歌

李端

漢水至清泥則濁松枝至堅蘿則弱十三女子事他家顏  
色如花終索漠蘭生當門鶯巢幕蘭芽未吐鶯泥落為姑

偏忌諸嫂良作婦翻嫌壻家惡人生照鏡須自知無鹽何  
用妬西施秦庭野鹿忽為馬巧偽亂真君誠思伯奇掇蜂  
已悲常聞善交無爾汝讒口甚甘良藥苦山雞錦翼豈鳳  
凰隴鳥人言止鸚鵡向相非才徒隱竈田文有命那關戶  
犀燭江行見鬼神木人登席上歌舞樂生東丁終居趙陽  
賢父逐曾參殺人慈母疑沾酒千日人不醉琴弄一絃心  
虎北轅翻適楚世間反覆不易陳緘此貽君淚如雨

散人歌

陸龜蒙

江湖散人天骨竒短髮爪集作來蓬半垂手提孤篁曳寒  
壘口誦太古滄浪詞詞亡太古萬萬古民性甚野無風期  
夜栖止與猛集作獸雜獨自構架縱橫枝因而稱曰有巢  
氏民共相一作敬貴如君師當時只効烏鵲輩豈是有意陳  
尊卑無端後聖穿鑿破一派前導千流隨多方惱亂元氣



死日使文字

文粹作父子

生姦欺聖人事業轉銷耗尚有漁者存

熙熙風波不獨困一士凡百器用皆足能踈滄腐鱸能施鱖

脫正失檢馭非讒痴人間所謂好男子我見婦女留鬢眉

奴顏婢膝真乞丐反以正直為狂癡所以頭欲散不散冠

文粹作并我魏所以腰欲散不散珮陸離行心散任之適坐散

從傾歌語散空谷應笑散春雲披衣散單復便食散酸醎

宜書散混真草酒散甘醇醕屋散勢斜直樹散行參差客

散忘簪履禽散虛籠池外物一以散中心散何疑不共諸

侯分邑里不與天子專隍陴靜則守桑柘亂則逃妻兒金

鑣具帶未曾識白刃殺我窮生為或聞蕃將負恩

澤號令鐵馬如飛馳大君年小丞相少當軸自請都旌旗

神鋒悉出羽林仗繪畫日月蟠龍螭太宗基業甚牢固小

醜背判當殲夷禁軍近自肅宗置文粹作器抑遏輔國爭雄雌

必然大段剪兇逆須召勁勇扶軍麾四方賊壘猶占地死

者暴骨生寒飢歸來輒擬荷鋤笠詬吏已責租錢遲興師

十萬一日費不啻千金何以支祗今利口且箕歛何暇俛

首哀惻發均荒補敗豈無術布在方冊撐額澱水霜儒袴

易反掌白面諸郎殊不知江湖散人悲古道悠悠幸寄義

皇傲官家集作吾皇未議活蒼生拜賜江湖散人號

刈穫行一作歌

前人

自春徂秋天弗雨庶庶早穀栽集作纒通用遮畝芒粒稀踈熟更

輕地與集作上禾頭未集作不相柱我來愁築心如堵更聽農夫

夜深語凶年是物即為災集作菑通用百陣野鳧千穴鼠平明抱

扶入田中十穗蕭條集作然九穗空敢言一歲困倉實不了而

集作如今朝暮春天職誰司下民籍苟有區分宜析析集作拊拊通用本

作耕耘意若何蟲豸兼教食人食古者為邦須蓄積魯飢



尚貴集作責如齊羅今之爲政異當時一任流離恣徵索平生  
早集作幸遇華陽客向日食霞亦肥白欲賣耕牛棄水田移田  
且傍三茅宅

天威行

顧雲

蠻嶺高蠻海濶去舸迴艘投此歇一夜舟人得夢間草草  
相呼一時發颶風忽起雲顛狂波濤擺掣魚龍殭海神怕  
急上岸走山靈股慄入石藏金地飛狀霍閃過白日倒掛  
銀繩長轟轟訶訶雷車轉霹靂一聲天地戰風定雲開始  
望看萬里青山分兩片車遙遙馬闐闐平如砥直如弦雲  
南八國萬部落皆知此路來朝天耿恭拜出井底水廣利  
刺開山上泉若論終古濟物意二將之功皆小焉

築城篇

前人

三十六里西川城圍遠城郭我天橫一家人率一口甕版

築纜興城已成役夫登登無倦色饌飽觴酣方暫息不假  
神龜出指蹤盡憑心匠爲籌畫畫團團真鐵鹿堵而濶嶢  
巖一作嶢齊石壁風吹四面旌旗動火焰相燒滿以天赤散花  
接脫卦殘虹濯錦江秋澄倒碧西川父老賀子孫從茲始  
是中華人

文苑英華卷第三百四十九

登仕郎胡

柯

鄉貢進士彭

叔夏

校正



散人歌止與

文粹作  
正與

困一士

日文粹  
作困

非讒疵

非文粹  
作無

春雲披

文粹作  
春雲披

文苑英華卷第三百五十

歌行二十

雜歌下

麗人行一首

白絲行一首

憶昔行二首

百憂集行一首

徒步歸行一首

偏仄行一首

負薪行一首

最能行一首

狂歌行一首

扶風豪士歌一首

君不見一首

老去也一首

追昔行一首

醉春風一首

隣相反行一首

馬嵬行一首

麗人行

杜甫

三月三日天氣新長安水邊多麗人態濃意遠淑且真肌  
理細膩骨肉勻繡羅衣裳照暮春蹙金孔雀銀麒麟頭上

何所有翠為句集作葉垂鬢昏背後何所見珠墜腰支集作

穩稱身就中雲幕椒房親賜名大國號與秦紫駝之峯出

翠釜水精之盤行素鱗犀筋厭飲久未下鑿刀縷切空紛

綸黃門飛鞚不動塵御厨絲絡集作送八珍簫鼓哀吟感

鬼神賓從合杏集作實要津後來鞍馬何遠巡當道集作

下馬入錦茵楊花雪落覆白蘋青鳥飛去街紅巾炙手可

熱勢絕倫慎莫向集作前丞相嗔

白絲行

前人

縹絲須長不須白越羅蜀錦金粟尺集作象床玉手亂

殷紅萬草千花動疑碧已悲素質隨時改集作裂下鳴機

色相射美人細意熨帖平裁縫滅盡針線迹春天衣著為

君舞蛺蝶飛來黃鸝語落絮遊絲亦有情隨風照日宜集作

輕舉香汗清塵似微汗集作開新合故置何許君不

見志集作士汲引難恐懼弃捐忍羈旅

憶昔行二首

前人

憶昔先皇巡朔方千乘萬騎入咸陽陰山驕子汗血馬長

驅東胡胡走藏鄴城反覆不足恠關中小兒壞紀綱張后

不樂上為忙至今今上猶撥亂勞身集作焦思補四方我

昔近侍叨奉引兵出集作整肅不可忘集作為留猛士守

未央致使歧雍防西羌犬戎直來坐御床百官跣足隨天

王願見北地傳介子老儒不用尚書郎

二

憶昔開元全盛日小邑猶藏萬家室稻米流脂粟米白公

私倉廩俱豐實九州道路無豺虎集作遠行不勞吉日出

齊紉魯縞車班班男耕女桑集作不相失宮中聖人奏雲

門天下朋友皆膠漆百餘年間未災變叔孫禮樂蕭何律



豈聞一絹直萬錢有田種穀今流血洛陽宮殿焚燒集作燒  
盡宗廟新除狐兔穴傷心不忍問耆舊復恐初從亂離說  
小臣魯鈍無所能朝廷記識蒙祿秩周宣中興望我皇灑  
血一作淚江漢身衰疾

百憂集行

前人

憶年十五心尚孩健如黃犢走復來庭前八月黎棗熟一  
日上樹能千迴集作尺今倏忽已五十坐臥只多少行立  
強將笑語供主人悲見生涯百憂集入門依舊四壁空老  
妻覩我顏色同癡兒未知父子禮叫怒索飯啼門東

徒步歸行

見三百四十卷

前人

偈仄行

贈畢耀

前人

未敢前篇作不敢已請給會通籍集作已令把速宜集作須  
此詩合入歌行門緣英華誤編在二百十卷今不重錄

負薪行

前人

夔州處女髮半華四五十無夫家更遭喪亂嫁不售一  
生抱恨堪集作長咨嗟土風坐男使女立應門當戶文出入  
十猶集作有八九負薪歸賣薪得錢應集作當供給至老雙環  
只垂頸野花山葉銀釵並筋力登危集市門死生射利兼  
鹽井面粧首飾雜啼痕地褊衣寒困石根若道巫山女麤醜  
醜集作淫何得此有昭君村

最能行

前人

峽中丈夫絕輕死少在公門多在水富豪有錢駕大舸貧  
窮取給行牒子小兒學問止論語大兒結束隨商旅款帆  
側拖入波濤撒旋梢瀆無險阻朝發白帝暮江陵頃來目  
擊信有徵瞿唐漫天虎鬚集作眼怒歸州長年興集作行最能  
此鄉之人器集作氣量窄悞競南風踈北客若道士無英俊



才何得山有屈原文

狂歌行 贈四兄

前人

與兄行年校一歲賢者是兄愚者弟兄將富貴等浮雲弟  
切功名好權勢長安秋兩十日泥我曾集作曹韞馬聽晨雞  
公卿朱門未開鎖我曹已到肩相齊吾兄睡穩方舒膝不  
韞不巾踏曉日男啼女哭莫我知身上須繒腹中實今年  
思我家嘉州嘉州酒重一作香花繞樓樓頭喫酒樓下臥長  
歌短歌集作詠還相酬四時八節還拘禮文拜弟妻男拜弟  
幅巾鞶帶不掛身頭脂足垢何曾洗吾兄吾兄巢許倫一  
生喜怒長任真日斜枕肘寢已熟啾啾唧唧何為人

扶風豪士歌

李白

洛陽三月飛胡沙洛陽城中人怨嗟天津流水波赤血白  
骨相撐如亂麻我亦來奔溧溪上集作東奔向吳國浮雲四塞道

路賒東方日出啼早鷄城門人開掃落花梧桐楊柳拂金  
來醉扶風豪士家扶風豪士天下奇意氣相傾山可移作  
不倚將軍勢飲酒豈顧尚書期彫盤綺食會眾客吳歌  
趙舞香風吹原草春陵六國時開心寫意君所知堂中各  
有三千士明日報恩知是誰撫長劍一揚眉清水白石何  
離離脫君集作吾帽向君笑飲君酒為君吟張良未遂集作  
赤松去地橋集作橋邊黃石知我心

君不見

薛逢

君不見馬時中氣吞河朔稱英雄君不見常太尉二十年  
前鎮蜀地一朝冥漠歸下泉功業聲名兩憔悴奉誠園裏  
蒿棘生長興街南沙路平當時帶礪在何處今日子孫無  
地耕或聞羈旅甘常調簿尉文參各天表清明縱辨專使來  
一祀紙錢風樹杪碑文半缺碑堂摧邾連塚象狐兔開野花



似雪落何處棠梨樹下香風來馬侍中常太尉盛去衰  
來片時事人生倏忽一夢中何必深深固權位

老去也

前人

惆悵人生不滿百一事無成頭雪白迴看幼累與老妻俱  
是途中遠行客匣中舊鏡照膽明昔曾鑒我髭未生朝中  
暮擲不自省老皮皺皺文縱橫合掌髻子蒜許大此日方知  
非是我暗數七旬能幾何不覺中腸熱如火

爭

柰何敲酒盞唱短歌短歌未竟日已沒月映西南庭樹柯

追昔行

前人

朝光如飛猶尚可暮更如箭不容臥健爲城穿更漏頻一  
一皆從枕邊過一夕凡幾更一更凡幾聲青春在向鏡中  
老白髮虛從愁裏生曾窺帝里東隣女自比桃花鏡中許  
一朝嫁得征戎兒荷戈千里防秋去去時只作且暮期別

後死生俱不知風驚粉色入蟬鬢愁送鏡花潛墮枝前年  
因出長安陌見一女人頭雪白日中扶杖憩樹陰歸形  
容認相識向予吁嘆還獨語曾與君家隣舍住當時妾嫁  
與征人幾向墻頭誚夫主花開葉落何推遷屈指數當三  
十年眉頭薤葉同枯葉琴上朱絃成斷絃嫁時寶鏡依然  
在鵲影菱花蒲光彩夢裏長嗟離別多愁中不覺容顏改  
歎息人生能幾何喜君顏貌未蹉跎因君下馬重相顧請  
奏青門腸斷歌

醉春風

前人

去年春似今年春依舊野花愁殺人健爲縣裏古城上開  
是好花飛是塵戲蝶狂蜂相往返一枝花上聲千萬時節  
先從暖處開北枝未發南枝晚江城太守鬢鬢蒼忽然置  
酒開華堂歌兒舞女亦隨後暫醉始知天地長頃年曾作



東周掾同舍尋春屢開宴斗門亭上柳如絲洛水橋邊月  
如練洛陽風俗不禁街騎馬夜歸香滿懷坐客爭吟碧雲  
句美人醉贈珊瑚釵日往月來何草草今年又校三年老  
槽中駿馬不能騎惆悵落花空滿道爲報時人知不知看  
花對酒定無疑君看野外孤墳下石羊石馬是他誰

隣相互行

王國華

東家有兒年十五只向田園獨辛苦夜開溝水澆稻田曉  
叱耕牛墾墾土西家有兒纔弱齡儀容清峭雲鶴形涉書  
獵史無早暮坐期朱紫如拾青東家西家兩相誚西兒笑  
東東又笑西一作笑去養志與榮名彼此相非不同調東家  
自去雖苦辛躬耕早暮及所一作莫及親男春婦爨二十載堂  
上未爲衰老人朝機暮織還克體餘者到兄還及弟春秋  
伏臘長在家不許妻拏暫違禮爾今二十方讀書十年取

第三十餘往來途路長離別幾人便得昇公車縱令得官

一作貴

身須老銜恤終天向誰道百年骨肉歸下泉萬里扮榆

長秋草我今躬耕奉所天耘鋤刈穫當少年面上笑添  
今日喜肩頭薪續厨中煙縱使此身頭雪白又有兒孫還  
稼穡家藏一卷古孝經世世相傳皆得力爲報西家知不  
知何一作不須謾笑東家兒生前不得供甘滑歿後揚名徒  
爾爲

馬嵬行

劉禹錫見集本

綠野扶風道黃塵馬嵬驛路邊揚貴人墳高三四尺乃問  
里中兒皆言幸蜀時軍家誅佞倖天子捨妖姬羣吏伏門  
屏貴人牽帝衣低徊轉美目風日爲無暉貴人飲金屑條  
忽薜芙蓉平生服杏丹顏色真如故屬車塵已遠里巷來  
窺覩共愛宿粧妍君王畫眉處履綦無復有履組光未滅



不見巖畔人空見陵波鞞郵童愛蹤跡私手解鞞結傳看  
千萬眼縷絕香不歇指環照骨明首飾敵連城將入咸陽  
市猶得賈胡驚

文苑英華卷第三百五十

登仕郎胡村鄉貢進士彭叔夏校正

